



第廿八

後村集

澧溪集

漫塘集

義豐集

廿八

柳田文庫  
文庫11  
D 156  
28





文庫 11  
D 156  
28

先賢平易以視詩不曉尖新與幽奇若似後儒穿鑿說古  
人字字摠堪疑

送葉尚書奉祠

先生清夢繞林泉黃紙除書拜地僊報答吾君吾相了倘

祥某水某丘遶事光白傅求閒後銜似溫公約史年溫公

福祠十五年笑向故山猿鶴說古來晚節幾人全

答留通判元崇

不見龍驤與騏驎紛紛蟲篆鬪蛛絲君侯傑出南方者老

僕終當北面之憶玉樹枝勞遠夢熏薔薇水讀來詩自慙

眼力非關令紫氣浮空惜不知

築城行

萬夫喧喧不停杵杵聲丁丁驚后土徧村開田起窰竈望

後村詩抄

三十九

010190554304  
48-12199



青斫木作樓櫓。天寒日短工役急。白犂訶責如風雨。漢家丞相方憂邊。築城功高除美官。舊時廣野無城處。而今烽火列屯戍。君不見高城鬱鬱如魚鱗。城中蕭疎空無人。

開壕行

前人築城官已高。後人下車來開壕。畫圖先至中書省。諸公聚看稱賢勞。壕深數丈周十里。殺兵大半化為鬼。傳聞又起旁縣夫。鑿教四面皆成水。何時此地不為邊。使我地脉重相連。

運糧行

極邊官軍守戰場。次邊丁壯俱運糧。縣符旁午催調發。大車小車聲軋軋。霜寒暑短路又滑。檐夫肩穿牛蹏脫。嗚呼漢軍何日屯。洧濱營中子弟皆耕人。

苦寒行

十月邊頭風色惡。官軍身上衣裘薄。押衣勅使來不來。夜長甲冷睡難着。長安城中多熱官。朱門日高未啓關。重重幃箔施屏山。中酒不知屏外寒。

國殤行

官軍半夜血戰來。平明軍中收遺骸。埋時先剝身上甲。標成叢塚高崔嵬。姓名虛挂陣亡籍。家寒無俸孤無澤。烏虜諸將官日穹。豈知萬鬼號陰風。

軍中樂

行營面面設刃斗。帳門深深萬人守。將軍貴重不據鞍。夜夜發兵防隘口。自言畏不敢犯射麋捕鹿來。行酒更關酒醒山月落。絲縑百段支女樂。誰知營中血戰人。無錢得



後村詩金  
四一  
合金瘡藥

寄衣曲

征夫去時着綺葛。征夫未回天雨雪。夜呵刀尺製寒衣。兒小却倩人封題。上有淚痕不教洗。征夫見時認針指。殷勤着向邊城裏。莫遣寒風吹腠理。江南江北一水間。古人萬里戍玉關。

大梁老人行

大梁宮中設罽屋。大梁少年。結束少年嘻笑老人悲。尚記二帝蒙塵時。烏虜國君之讐。通百世無人按劍決大議。何當偏師。利一驢馱載送都市。

朝陵行

國家諸陵陪河北。盜發寶衣斧陵木。或言陵下往來人。夜聞翁仲草間哭。何年却遣朝陵官。合桃瓊粲登金輿。悲哉人家墳墓各有主。誰修永昌一杯土。

破陣曲

黃旗一片邊頭迴。兩河百郡送款來。至尊御殿受捷奏。六軍張凱聲如雷。元戎劍履雲臺上。麾下偏裨皆將相。腐儒筆力尚跌宕。燕山之銘高十丈。

挽陳北山二首

雖拜龍圖號。自稱槃澗翁。生難招此老。死可見文公。斷簡功夫欠。淡衣笑語終。空餘藏槩在。虹氣貫山中。掘筆臨池慣。殘書映雪勤。今寧無古篆。宋復有唐文。荒草周顛宅。空山董相墳。何時攜斗酒。一酌墨溪雲。

東陳寺丞築城

後村詩少

四十一



事變相尋智亦新。爛泥堆起石嶙峋。斷無餘力謀蒸土。頗有傍觀晒寘薪。自古虛心容議者。卽今枵腹役耕民。姑尤聊攝皆齊境。莫遣郊封有詛人。

答楊隼

一生忠孝發於詩。不爲桃根與柳枝。棗本流傳容有僞。箋家穿鑿苦求奇。偶全要領慙輕典。虛嘔心肝悔少時。澤畔纍臣搔白首。孤吟不敢累親知。

挽陳師復寺丞二首

已奏囊封墨尚新。又攜袖疏榻前陳。小臣憂國言無隱。先帝如天笑不嗔。闕下舉幡空太學。路傍卧轍幾遺民。愚儒未解天公意。偏壽它人天此人。

歲晚滄洲築草堂。却將蓬掖出軒裳。市朝共歎鳳高翥。世俗或疑麟不祥。童子舉扶猶慷慨。門人要經各淒涼。衰殘無復相鐫切。遺墨常留几桮傍。

辛卯滿散天基節卽事四首

老作黃冠返舊山。前支驛料破衙官。孤臣毫髮皆君賜。獨坐風廊不覺寒。

門廡無人殿未開。白頭散吏久徘徊。年年歲歲千秋節。占羣官第一來。

聞說都人競出嬉。御街簫鼓倍年時。相公入奏天顏喜。半夜揚州送捷旗。

約已隆親禮不同。鈞天無讌錫臣功。太皇勳德侔高帝。陛下謙恭似孝宗。

還黃鏞詩卷



曾伴靈芝湖上吟。當年一悟至今源。流不亂知歸趣。篇什無多見苦心。貫蝨工夫須切近。膾鯨力量要雄深。暮年誰可談茲事。益有村醪且自斟。

題陳遂卿隱居

蚤日稱雄翰墨林。暮年里巷且浮沉。諸君自負遺賢媿。處士元無謫國心。杜牧送薛處士序處士之名自負也。謫國也。子佩子衿輪少俊。某丘某水棟幽深。明時莫作逃堯計。忽有弓旌底處尋。

題白渡方氏聽蛙亭

塘水拍隄科斗生。想君亭子俯幽清。黃梅雨足野田潤。牡麴煙收村墅晴。莫信人嫌無理鬧。頗疑渠有不平鳴。畫堂方喜聽琴阮。誰愛天然律呂聲。

贈鍾主簿父子

旗鈴接迹向西馳。丹桂靈椿並一時。競說郎君能跨竈。頓令老子欲笞兒。妙年不患雖無賴。前輩曾言木就規。國相晏公元楚產。何須千里遠求師。

讀金鑿密記

仗下千官走似麕。倉皇誰扈屬車塵。禁中陸九艱危其殿上。朱三苦死嗔。當日橫身抗岐汴。暮年避地客甌閩。小窓細讀金鑿記。始信香奩屬別人。香奩集和疑作非致光也。

獲硯

二硯溫如玉琢成。信知天地有精英。馬肝紫潤尤宜沐。鶴眼青圓宛似生。未愛潘郎呼作友。便教米老拜爲兄。今年几案多奇獲。應是窮儒命漸亨。

再獲一硯自和



三硯聯翩買券成。絕勝玉杵聘雲英。拊摩無粟向肌起。塗  
抹有花從筆生。韞匱每愁逢暴客。傾囊或笑費方兄。古來  
事業由勤苦。不信磨穿道不亨。

貧居自警二首

昨者匆匆擲印歸。六年岑寂閉柴扉。歲荒奴僅拾殘穗。日  
晏婢方羹苦薇。寧渴莫賒鄰近酒。儘寒不着借來衣。中年  
但祝身強健。要卧松風坐釣磯。  
客過吾廬語至晡。旋營鹽酪刈薪芻。酒兼鱗脯不時有。飯  
與魚羹何處無。荆公云何處無魚羹飯喫力穡勿忘家世儉。堆金能使  
子孫愚。俗兒未識貧中樂。妄議書生骨相臞。

寒食清明

寂寂柴門村落裏。也教插柳記年華。禁煙不到粵人國。上

冢亦攜龐老家。漢寢唐陵無麥飯。山蹊野徑有梨花。一尊  
徑藉青苔卧。莫管城頭奏暮笳。

贈馬相士二首

嫗貌何妨至輔臣。猴形亦有上麒麟。伏波眉目空如畫。不  
是雲臺劍佩人。唐人朝歐陽詢云誰令麟閣上。画此一獼猴。  
荀卿初了心形者。蒯徹安知背面哉。别有精微書不載。待  
君見了季咸來。

和南塘食荔歎

君欲和詩無匆匆。唱首天下文章公。今年荔子况倍熟。亭  
亭錦蓋高張空。猿偷鴉啄牧童采。林間殘顆猶殷紅。在昔  
唐家充歲貢。吟諷何止杜陵翁。南窮交州西蜀土。快馬馱  
送如飛龍。絳裳冰肌初照眼。玉環一笑恩光濃。惟閩以遠



幸免澁。一顆不到溫泉宮。自從陳紫無真本。皺玉晚出尤稱雄。邇來鷄舌擅瑰瑋。贊香譽味萬喙同。麟臺仙人親題品。天爲此菓開遭逢。乃知微物似有數。聲價亦與時汗隆。列聖儉德被華戎。微如淮白不敢供。奈何置驛奉私室。安得木鐸觀民風。山蹊谷壑日力窮。血肩跪足馳筠籠。請公移此食荔歎。置在薰風殿閣中。

送真西山再鎮溫陵

父老香花夾路催。朱幡那忍更徘徊。弓張至此尤宜弛。珠去安知不復迴。海上有艘堪致粟。洛中無篋勝生財。泉人畢竟修何福。消得西山兩度來。

題鄭寧文卷

西山作跋

昔侍西山講習時。頗于函丈得精微。書如逐客猶遭紉。辭

取橫汾亦恐非。箏笛豈能諧雅樂。綺紈元未識深衣。嗟余

老矣君方少。勤向師門扣指歸。西山先生編文章正宗如

見內詩歌一門。初委余哀輯。余取秋風辭。西山欲去之。蓋其議論森嚴如此。鄭君試以此意參之。可也。

悼阿駒五首

吾老方期汝亢宗。愛憐不與衆雛同。豈知希世千金產。止作空花賺廼翁。

長兄開卷每隨聲。大母繙經亦諦聽。眉目分明無天法。恐緣了了與惺惺。

北轍南轅有返期。吾兒掣手去何之。夢中玉雪來懷抱。愁絕鄰鐘喚醒時。

眼有玄花因悼亡。觀書對客雨茫茫。情知淚是衰翁血。更爲童烏滴數行。



人生憂患本無涯。強取瞿聃語自排。吾母白頭猶念我。吞聲不敢惱慈懷。

挽劉學諭

徐尤溪鹿卿之婦翁豐城人名履

少游鄉校至華顛。常以蘆鹽養浩然。科舉法行無譽士。丘園禮廢有遺賢。劉蕡下第人稱屈。李漢編文後必傳。聞道諸郎皆秀孝。拂雲華表看它年。

送陳戶曹之官襄陽二首

癸

丞相曾參督府謀。郎君今復贊邊籌。彼哉金谷飲長夜。去矣玉關防盛秋。尺度豈能拘快士。功名斷不在中州。習池水滿隄花艷。安得相陪賦遠遊。

幕府秋風事日生。參軍匹馬去兼程。起爲楚舞何其壯。吟退在此行。且喜峴山碑有跋。不愁江表傳無名。老儒

那復封侯夢。止願躬耕看太平。

病後訪梅九絕

夢得因桃數。左遷長源爲。柳忤當權幸。然不識桃并柳。却被梅花累十年。鄭侯詠柳云。青青東門柳。歲晏必憔悴。楊國忠以爲譏已。

先生歲晚被人疑。梅畔渾無一字詩。明月清風愁併案。野花啼鳥怕隨司。

區區毛鄭號精專。未必風人意果然。犬彘不吞舒亶噓。豈堪與世作詩箋。

和靖林間歎嗽時。一邊覓句一邊飢。而今始會天公意。不惜功名只惜詩。

老子無糧可禦冬。強鳴飢吻和寒蛩。舍南舍北花如雪。止嚙清香飽殺儂。



後村詩錄 四十六  
與梅交絕幾星霜。瞥見南枝喜欲狂。便欲佩壺攜鐵笛。爲花痛飲百千場。

一聯半首致魁台。前有沂公後簡齋。自是君詩無警策。梅花窮殺幾人來。

春信分明到草廬。呼兒沽酒買溪魚。從前弄月嘲風罪。卽日金鷄已赦除。

菊得陶翁名愈重。蓮因周子品尤尊。後來誰判梅公案。斷自孤山迄後村。

題龍眠十八尊者

嘗聞天台境。肉身往無從。仁夫示此圖。恍惚游其中。應真一一若舊識。或踞怪石臨飛淙。山鬼投牒何敬恭。天女問法尤丰茸。盆魚鬢鬣等針粟。放去天矯擎空濛。山深無人地祇出。被服導從伴王公。前驅鸞獸後夔魍。徐行殿以一瘦筇。巉巉蒼壁設設松。下有老宿眉雪濃。石橋滅沒雲氣斷。似是鬼國非天工。層冰融結挾怒瀑。毒虺噴薄含腥風。至人于此方入定。壞衲羃首枯株同。等閑一坐六十劫。汝技有盡吾無窮。書生往往談性命。怵以禍福猶兒童。倒持手版口勸進。對此寧不面發紅。我知龍眠筆外意。要與濁世鍼盲聾。退之云。釋善變幻。愷之謂畫能神通。幻耶神耶。兩莫詰。與子持叩西山翁。

題林戶曹寒齋

取鄭介夫積雪冒寒齋之句

舉世爭馳勢利場。君子冷處看人忙。不營摩詰散花室。只設蘇州聽雨床。種果園林無虎守。勘書窓几有螢光。直須喚起西堂老。來向齋中伴石塘。



過建陽二首

溪上重來兩鬢絲。豈知拙政久猶思。旄倪欲見禁公面。香  
火共存朱邑祠。爭勸令君持酒殽。不吝老子閉車帷。誰言  
俗薄今非古。我與斯民各秉彝。  
白布裙襦雪滿顛。攜扶偃僕拜車前。皆言庾氏相因粟。猶  
是君侯不飲泉。自昔活民須有備。即今去客愧無權。愚公  
老矣癡如故。長把心燈望後賢。

過章戴

曾向明時雪李邕。又聞名在聘賢中。憶言鵬吻施茅屋。忍  
見龜趺立栢宮。杯酒昔常陪賀老。雙溪終待哭喬公。情知  
客淚先難制。鄰笛那堪咽晚風。君為開濟欲請余為屬既而日茅屋設鵬吻乎遂止

答李泉州元善

平生陳無已。白首欠吟情。未嘗交馬呂。况肯見章蔡。附執  
生可鄙。中寒死亦快。吾方尚此友。巾車與同載。前瞻有膺  
湧。却顧有融泰。要當堅一壁。詎可立兩界。恕乎行誼虧。希  
也名節壞。史君惠良箴。下走敢不拜。懷哉道義交。異彼姑  
息愛。

送趙信州

貧者惟言可贈行。臨分握手盡交情。馬于轡力窮時駭。鷗  
向機心動處驚。齊士豈無堪客禮。蔡人便遣作牙兵。遙知  
陌上羅敷女。競看雙旌出勸耕。

題趙子固詩卷

紫芝仲白俱仙去。晚秀惟君擅士林。字肖率更親手作。詩  
疑賈島後身吟。九成合奏音方備。三染為纁色始深。老去



尤于朋友篤。未忘几研琢磨心。

題袁秘書文藁

場屋聲名淳紹初。同時一輩曉星疎。舉人尚記前鄉貢。天子亦呼行秘書。出蜀詩堪編杜集。涉湘文可補騷餘。中朝典冊須鴻筆。何必然藜照蠹魚。

題廬陵羅生詩卷

門巷蕭然人迹少。華裾客子袖文過。織千機錦非常巧。熏一銖香已覺多。持贈白雲情厚矣。暗投明月愧如何。桃花水煖鱸堪鱸。恨不相攜買短蓑。

送王實之

欲去還留每自憐。竟爲吾子着先鞭。孤忠盡見萬言疏。十口同登一葉船。屈法相傳煩聖主。上書俱恥愧前賢。南歸定過西山下。細把行藏告墓阡。

鄭丞相生日口號四首

王岳紛更尚治安。史韓椽伐始凋殘。迺知元祐調絃易。却是端平變局難。

舒黯淹留守相間。平津千載有慙顏。惜渠不見端平相。召了西山召鶴山。

忤旨嬰鱗不自安。明朝密啓與遷官。百僚舉笏私相語。相國胸中得許寬。轉了頭廳屢乞歸。已將傳舍視黃扉。江湖不欠魚羹飯。直爲君恩未拂衣。

桐廬舟中卽事

車前鸞帽同聲散。關外華簪一揖休。惟有浙江潮好事。官



隨逐客到嚴州

田舍即事十首

去年贏粟尚儲餅。又見新秧蘸水青。野老逢人說慙愧。長官清白社公靈。村落爭看烏角巾。略談北事向南人。百年只有中州樂。世世無為塞下民。古來觀社見春秋。茜袂銀釵盡出遊。欲與魯人同獵較。可憐身世尚它州。蹴踘鞦韆尖塵不浣。臂鷹袖窄樣新裁。社中年少相容否。也待鮮衣染鬢來。鄰壁嘲啾誦學而。老人睡少聽移時。它年謹勿如張禹。帝問床前謬不知。

學文章點斲人

田舍諸雛各雅馴。男兒盍有藝資身。古來醫卜多名世。莫條桑女子兩鬟垂。車馬過門未省窺。生長柴門蓬戶裏。安知世有二南詩。草草衣裝挈自隨。塔貧畢竟與齊眉。絕勝京洛傾城色。鍊向侯門作侍兒。兒女相攜看市優。縱談楚漢割鴻溝。山河不暇為渠惜。聽到虞姬直是愁。溪上漁郎占斷春。一川碧浪映紅雲。問渠定是神仙否。鱗去如飛語不聞。

送徐鼎夫用廬陵通守博士戴文韻

一春風雨郡齋寒。荒了麻姑老子壇。吏抱文書



排闥至。客攜詩卷退衙看。愁來鏡裏絲難染。老去胃中錦已殘。若棹扁舟見安道。爲言歲晚習申韓。

送趙叔愚赴潯州理掾

未奉三雍對。聊爲五筦行。鄉書踰嶺少。詩思入湘清。遠宦身差穩。中州事日生。向來幾離別。此別最關情。

寄徐真翁侍郎

憶昨紛紛衆喙鳴。怪君噤齟久無聲。得非家客留廷尉。或是閨人沮仲卿。白璧微瑕終古在。黃金橫帶霎時榮。從來公議無情甚。莫遣蒙齋獨擅名。

和仲弟二絕

一春簷溜不曾停。滴破空階蘚暈青。便是見時對床雨。絕憐老大不同聽。

鴈回杳杳渾無報。鶻語啾啾似有憑。忽得遠書看百過。眼昏自起剔殘燈。

丁酉重九日宿順昌步雲閣絕句三首呈味道明府。九月南州菊未黃。芙蓉取次獻新粧。不妨折取繁紅插。四海皆知兩鬢霜。

只了年年作逐臣。衣冠縑縷面埃塵。偶逢令尹留連我不畏。狂生點涖人。

先倩清風掃水軒。更呼涼月倒金樽。定知明府歸侵夜。縣郭留燈未閉門。

挽鄭子敬都承

重入修門兩鬢絲。延和累疏竭忠規。立朝頗慕汲生戇。謀國不知晁氏危。老去故人能有幾。古來君子例無時。傳聞



近事堪悲慨。說向從前亦皺眉。

次韻實之二首

孤臣去國四經春。迹遠安知罪尚新。蚤亦曾譏秦氏者。讒  
爲與議濮園人。懶箋光範干時宰。且伴田家賽社神。醉倒  
不能愁世事。倩他煙柳替含顰。

向來歲月半投閑。莫歎朝朝苜蓿盤。自後芬芳聊自詆。眼  
前腥腐飽曾餐。蟲雞一笑何須較。花鳥相疏恐被彈。清議  
自爲儒者設。未應羈束老黃冠。

再和二首

借屋城中又一春。桃符萬口說清新。向來曾上慶曆頌。老  
去甘爲元祐人。健論真堪驚謫子。固窮不肖媚錢神。吾評  
此士西塘比。後進紛紛謾效顰。

與君未得便安閑。邊警偏能惱澗槃。草地棗紅猶索關。田  
家稻白可能餐。誰將鐵縷橫江鎖。莫靠琵琶出塞彈。處處  
衝梯樓上舞。不應諸老自巍冠。

挽南塘趙尚書

自從水心死。塵柄獨歸公。于易疑程氏。惟詩取晦翁。二箴  
家有本。孤論世無同。不復重商榷。騎鯨浩渺中。

次韻實之春日

梅醜朝衣塵滿靴。曾穿細仗對延和。角巾久已尋初服。錦  
帳何須戀舊窩。能讀書人天下少。不如意事古來多。半生  
寂寂因迂濶。垂老方驚歲月蹉。

再和

少小從軍事袴鞬。祇今廟算主通和。來復去兔三窟民。



散未收蜂一窩建炎有盜名一窩病覺風光於我薄。老知書冊誤人多。罪言著就深藏所。自笑狂生壯志蹉。

三和

長劍拄頤刀納鞞。得如曝背趨陽和。買鄰底用百里價。好事爭爲十二窩。異日史臣應有考。同時朝士欲無多。與君死守西山學。莫遣人譏末路蹉。

四和

朱門畫鼓舞宮靴。應笑狂歌似采和。露坐一生無步障。春游是處有行窩。紹興讜議誰當續。元祐全人本不多。辦取九年同面壁。未應末後話頭蹉。

五和

頽然一榻懶中靴。二月東風尚未和。雀闔屋簷來作宿。蜂啣窻紙去爲窠。牢愁余髮五分白。健思君才十倍多。欲訪東臯賢鼻祖。幾迴路與醉鄉蹉。

六和

生怕將軍手挽靴。安能柔軟舞靈和。艱虞夷甫方謀窟。老懶堯夫少出窩。時事象棋如許急。春愁抽繭未爲多。終南一徑非常捷。自是吾徒問路蹉。

五月旦日鷄鳴夢袖疏。墀下先君問言何事。答曰猶素論也。先君大息稱善。聞追班聲驚寤。以詩識之。夢中候對殿東廂。邂逅先親問答詳。確磨不能移素論。曝芹終欲獻清光。觸屏訓誥生猶臭。攀檻傳名死亦香。君父臨之安所避。凌晨起坐涕淋浪。蔡京云如劉安世確磨磨止說元祐是

題趙別駕委齋



乍看華扁費籌息。徐叩微言極坦夷。無可奈何安命者。吾  
非惡此欲逃之。萬羊賦祿渠前定。二鳥蒙恩彼一時。卻被  
委齋參透了。不求符竹止求祠。

讀邸報二首

並驅華轂適通遠。中路安知判兩岐。邪等惟余尤甚者。好  
官非汝孰爲之。纍臣放逐無還理。陛下英明有寤時。聞向  
蕭山呼渡急。想追前事亦顰眉。

瑤編對秉初修筆。粉署同攜夜直衾。虎旣蒙皮甘搏噬。鶴  
因瘡羽久呻吟。盡歸一網機猶淺。橫說三綱害最深。想到  
鄧山多暇日。軻書毋惜細研尋。

自和二首

橫身久塞楊朱路。灑泣俄悲墨子岐。陋矣射鉤而中者。壯  
哉鳴鼓以攻之。侍讀自無遷府分。楊詢晚年其是日。是  
中丞還有傲船時。舒亶去國。雇客舟歸。八風舞罷君恩歇。羸得閑愁

上兩眉。

貴豪渠已重金帶。貧病儂猶舊布衾。鍾阜解仇無宿憾。荆  
與呂吉甫解仇荆江感事有新吟。山谷有荆江書事。早知餘耳交  
難保。晚覺王何罪未深。白首還鄉應閉戶。斷無保社宥追  
尋。

和實之讀邸報四首

祝鮓非是夜。莒僕未爲凶。鬼谷從橫舌。終南詭秘蹤。斷無  
麟在藪。獨有鼠穿墉。千古誰儔匹。依稀似敬宗。

穿鑿彊揮塵。跳梁勇執弓。矯誣天亦怒。驅逐國爲空。笑裏  
刀常有。盟邊甲已束。拾遺端可拜。誅佞筆生風。張萬福拜



書等于延英門下

後本言金

五十四

外觀殊偉岸。內稟極檢柔。欲取漢清議。盡投唐濁流。鬼車

鳴甚惡。猛虎死方羞。芳臭須臾判。哀哉不善謀。

一抔初駭聽。雙淚謾求哀。極口誣賢者。甘心譽彼哉。其人嘗引

再和四首

狐鳴工作祟。鴉譟每為凶。曾覩初尸罪。丘門永削蹤。謀身

真有窟。鑿趾欲無墉。鑿墉之趾以益其高力擊延齡去。堂堂似亢宗。

舊知偏下石。遠避亦傷弓。留落周南衆。蕭條冀北空。萬言

徒飾詐。雙淚却由衷。王績何曾醉。劉蕡本不屈。

噬人侔虺毒。害物比猫柔。李義府柔而人猫清議始驅逐。寬恩

未放流。劔誅張禹佞。扇障褚淵羞。諫筆非私忿。惓惓為國

謀

伏閣何其壯。空舟得許哀。人多稱快者。上豈少恩哉。惡草

毋留種。天桃不待媒。九重方遠佞。寧放鄭詹來。

挽李卿壽老

苦說兵財少。臣非怯塞垣。上思前語驗。人嘆左遷冤。老大

雲中守。風寒國北門。故交頭白盡。空為賦招魂。

洛陽橋

周時宮室漢持城。廢址遺基刻已平。乍見橋名驚老眼。南

州安得有西京。

同安

城不能高甫及肩。臨風搔首一懷賢。當時矮屋今存否。曾

著文公住四年。

後本言金

五十五



龍溪道中

曠土茫茫無主名。朱門惟恐籍分明。老農猶記淳熙事。太息文公志未行。

潮惠道中

春深絕不見妍華。極目黃茅際白沙。幾樹半天紅似染。居人云是木綿花。

循梅路口四首

顛客紛紛露刃過。斷無微吏敢譏訶。身今自是牢盆長。較爾能賢得幾何。

道吏倉忙乞調兵。未應機動遣鷗驚。傳聞老子單車至。慚愧偷兒讓路行。

鈔法如弓末愈張。可堪于此更求詳。祇應新執牙籌者。捨得研桑用後刀。

三十年來邊宿兵。大農無計飽連營。元來有箇浮腫策。南渡諸賢未講明。

白雲庵

太行以北海豐南。我與梁公各有慙。兒五十餘親八十。可堪來宿白雲庵。

東坡故居二首

嘉祐寺荒誰與葺。合江樓是復疑非。已爲韓子騎麟去。不見蘇仙化鶴歸。

惠州副使是新差。定武端明落舊階。盡遣秦郎晁子去。只攜周易魯論來。

豐湖三首



岷峨一老古來少。杭穎二湖天下無。帝恐先生晚年落南  
遷。猶得管豐湖。小米侍郎生較晚。龍眠居士遠難呼。不知若箇丹青手。能  
寫徽瀾玉塔圖。作橋聊結衆生緣。不計全家落瘴煙。內翰翻身脫犀帶。黃  
門勸婦助金錢。

羅湖三首

平生不作曹勸留。怪底江邊未發舟。龍吏不須前白事。更  
忙定要看羅浮。

中州無地堪投足。垂老攜家泛瘴江。不愛朱丹畫車轂。且  
貪紫翠入船窓。

異境微茫。平霄僊人垂手下相招。老來尚有君親念。未

敢相陪過鐵橋。

扶胥二首

一陣東風掃暄霾。天容海色豁然開。何須更網珊瑚樹。祇  
讀韓碑也合來。

前祭京師奉祝詞。尊嚴不比百神祠。臺家今歲籌邊急。黃  
帕封香已過時。

唐子西故居二首

一州兩邊客。無地頓奇材。方送端明去。還迎博士來。  
無盡頗縱橫。晚方攻蔡京。猶稱賢宰相。應爲客先生。

卽事四首

香火萬家市。煙花二月時。居人空巷出。去賽海神祠。  
東廟小兒隊。南風大賈舟。不知今廣市。何似古揚州。



瓜果踰拳祝。喉羅撲賣聲。粵人重巧夕。燈火到天明。  
吾生分裂後。不到舊京遊。空作樊樓夢。安知有越樓。

藥洲二首

役民如犬馬。國破作降俘。往往湖中石。宜和良嶽無。  
怪怪奇奇石。誰能辨醜妍。莫教贊皇見。定輦入平泉。

廣州都試

時攝帥

自昔番禺統府雄。君恩暫許領元戎。不羞短髮垂肩白。且  
愛前旌照眼紅。筆久不靈妨草檄。臂新無力怯開弓。卽今  
超距多臯俊。安用輜車載此翁。

燈夕二首呈劉師

士女如雲服珥鮮。暫陪獵較亦欣然。清于坡老游杭市。儉  
似垂崖在劍川。使指何功煩卜夜。遨頭此念可通天。粵人

擁道千層看。不見狻鞍三十年。

陌上遊人趁管絃。豈知君相尚籌邊。細聽野老交談處。猶  
記兵端未動前。草市收燈如許早。端門瞻蹕定何年。書生  
晚抱憂時志。歸畫殘灰理舊編。

白鶴故居

天稔中原禍。朝分黨部爭。當年誰宰相。此地着先生。故國  
難歸去。新巢甫落成。如何鯨浸外。更遣打包行。

唐博士祠

博士位尤卑。投名入黨碑。今觀名世作。多在謫官時。太史  
沅湘筆。儀曹永柳詩。新祠綿最爾。未盡復遺基。

六如亭

吳兒解記真娘墓。杭俗猶存蘇小墳。誰與惠州耆舊說。可



無杯土覆朝雲。

再題六如亭

余既修廢墓立什碑或者未解此意明年北歸賦此解嘲

昔人喜說墜樓姬前輩尤高斷臂妃官伴主君來過嶺不妨扶起六如碑。

十五里沙

只見如山白浪飛更堪動地黑風吹渺茫直際九州外洶湧常如八月時河伯豈能窮海若靈胥僅可嚇吳兒惜無散髮騎鯨友共了南遊一段奇。

送項使君李約二首

世有凝香樂君侯摠未知清齋燈火夕閉閣荔枝支時郡小留難住民愚去始息兩年案頭筆一字不容私但見兩眉顰何曾一饌珍節如僧更苦家比郡尤貧

均為贅尊鱸頗切身蕩山有來雁莫惜寄聲鄉

送王梅州二首

州境與潮潮徐行止淡旬瘴鄉均一氣監子亦吾民日晏煙嵐歛兵餘戶口貧定將田里事閉閣細條陳禍始自三槍菑猶被一方帝將安渤海君官薄淮陽老手何憂斷新眉尚費粧漢庭褒郡最早晚入為郎

辛卯春日

甫報弓旌召俄聞彈射攻正如飲甘露

諸不能受人惡言如飲甘露者不名

多芋粟不必問狙公

挽唐伯玉常卿

身自無安處昇州更廣州遂教子方去死到了翁休鳳至



虞廷喜麟亡魯野愁。憂時兼悼友。白却九分頭。

送居厚弟堂稟二首

俱被光華遣。同歸寂寞濱。吾灾因抱繫。子咎在埋輪。記憶煩明主。招徠到遠臣。要須留晚節。它日白先人。怕與親朋別。那堪送子行。天威難俟駕。秋暑勿貪程。若見知名士。為言不慧兄。孤危托君相。耕釣畢殘生。

居厚不果行次韻二首

物色來林下。安排起海濱。居然蒙錦笥。幸未駕蒲輪。非我瑕疵女。云誰毀譽臣。只愁從此去。未易致虞人。祖帳方消吉。公車已足行。若非露消息。未免迫期程。水菽姑娛母。茅柴且酌兄。未應天祿闕。便欠一更生。

送陳霆之官連州

地接湖南境。孤城若箇邊。茆寮愁問宿。峽石善驚船。官小無迎吏。詩工有續編。古人高妙處。不過覽山川。

和張簡簿尉韻

舊案依稀在。栢臺寄聲杙。本莫翻開騎。驢導從兩點。挾羅曾門庭。幾客來。務觀可堪供。史草補之。不會作宮榜。男兒盍建橫行策。免使君王歎乏材。

送李用之察院赴潮州

昔在番禺鬻筴時。瞽言不敢計從違。固知國有三空患。又欲民無再摧譏。窮累為生尤瘠薄。牙籌所積恐纖微。公卿文學方矛盾。應待囊封決是非。

書事二首

潘柄考亭門人。陳均福公族子。皆年七十餘而客死。

謙之紉嬰迎歸福。平甫灰釘送返蕭。空累兩家營後事。借



留四壁遺諸孤。學徒誰是單傳者。史藁曾經乙覽無。貧富  
皆當終牖下。招魂何處有神巫。  
二士平生極好修。簞瓢之外尚何求。暮年更傍誰門戶。故  
國無~~其~~水丘。華簣殊非愛曾子。短衾自可覆黔婁。小車  
處士差安穩。十二行窩取次游。

送葉士巖二首

曾約還轅訪魯羅。幾迴掃榻佇經過。待先生敬雖如此。與  
老人期奈後何。走馬看花消許急。殺鷄爲黍誤儂多。吳中  
故舊還相問。一臂偏枯兩鬢皤。  
向來參請徧諸方。恍惚如癡亦似狂。雪與膝平猶未退。斤  
從鼻過了無傷。拈花弟子知誰悟。撼樹羣兒不自量。極欲  
爲君露消息。天寒日短話頭長。

甲辰春日二首

買牛搜粟向蠻煙。衰病安知壁偶全。使者召歸曾四輩。臣  
之得罪又三年。柳劉漏語誰云爾。絳灌憐才定奉然。縱使  
有泉堪洗耳。先生此媿若爲湔。  
學問過時已悍堅。文章垂~~其~~精專。薰琴何患無賡載。秋  
扇明知有棄捐。舊讀溫慈澤不記。新吟鍛鍊久方圓。此生  
幸不當詞翰。免被人嘲上水船。

題小室二首

已向深林卓小庵。是中儘可著禪龕。士師何止三無慍。中  
散居然七不堪。一去重華那復得。方當盛漢勿多談。近來  
弟子俱行脚。誰伴山僧面壁參。  
阡陌東西山北南。半生常帶散人銜。何曾雲夢芥八九。一



任徂公亭四三閣上大夫投欲死甕問吏部寢方酣可憐  
子駿無家法下見先人面有慚

送表弟方時父

棄置空村飽世情高軒乃官顧柴荆韓甥殷浩貧親戚李  
益盧綸外弟兄兩鬢蕭疏為老大一燈明滅話平生刺桐  
花下逢予季多致詩人未善清

贈施道州二首

施先生學有源流家自長安徙益州疇昔建牙當一面概  
今失國託諸侯身僑嶽麓無生計日斷岷峨起暮愁聞道  
漢庭須黼黻蜀珍那得此淹留

塵突過劔門關西顧于下尚未寬早晚相如通熨道蒼

皇子美問長安拮据自笑必果拙朽鑿明知今輟難縱有

望鄉樓百尺淡煙衰草莫究欄

夢方字若二首

仙鬼微茫果是非不如遼鶴有歸期鑄成范蠡何嗟及繡  
作平原未必知歌扇舞衣風雨散野田荒草古今悲可憐  
一覺寒窓夢猶記聯鞍出塞時

寤寐中原獨着鞭往來絕域幾餐羶封侯反出李蔡下成  
佛却居靈運先八百里烹饗軍多九千緘輦作碑錢祗今  
誰是田橫客回首荒坵一慨然

哭孫季蕃

每歲鶯花要主盟一生風月最關情相君未識陳三兩兒  
女多知柳七名自有菊泉供祭享不消麥飯作清明老身  
獨殿諸人後吟罷無端雪涕橫



懷曾景建

曾有春陵逐客篇。流傳哀動紫陽仙。安知太白長流處。亦在重華野葬邊。碎板一如坡貶日。蓋棺不見檜薨年。誰云老眼枯無涕。聞訖臨川即泫然。蔡季通照道州君餞之云。四海朱夫子。徵君獨典刑。青雲伯夷傳。白首太玄經。有客憐孤。無人問獨醒。瑤琴空鎖。絃斷不堪聽。胸翁喜之手書其詩。君亦貶死道州異矣。

內翰洪公舜俞哀詩二首

憶昔端平典冊新。三麻九制筆如神。內庭喚作真學士。晚輩推為老舍人。垂死遺言尤苦口。平生諫疏最嬰鱗。建邺不作于潛死。誰為君王說厚倫。

回首揚州一夢餘。故交已直玉堂廬。寒暄未省通君實。窮薄空煩誦子虛。甚媿丈人于甫厚。孰云夫子不同如。君除自代。殘年無復陪精論。開闔平生幾幅書。

送李漕用之二首

糾飛慶曆黃華遠。捷出熙寧使指新。但記歐公更此職。不知趙濟是何人。為常平劾富公者。刻章編及孤寒士。奮筆先誅聚斂臣。自歎暮年衰颯甚。羨君老手獨埋輪。

漢廷鹽鐵議交攻。有詔姑惟舊法從。聞道嶺南歌聖主。一如河北感仁宗。向舒自是堪王佐。桑孔安知富大農。它日公歸奉清問。可無鯁論贊烹封。

答謝法曹

二詩簡澹掃穠華。作者幾無以復加。壁十五城方定價。桃三千歲一開花。選騷意度卑唐體。晉宋文章讓謝家。莫道老夫今耄矣。平章此事不應差。



三月二十一日泛舟六絕

少游款段何從借。伯厚雞棲未易求。看取後村翁簡徑。百

錢聊稅一漁舟。橋低水漲過船難。旋折船篷復旋安。未免屈蟠篷底坐。誰

教君愛切雲冠。雖沉壁馬計安施。倏忽桑田變渺瀰。說與神通君看取。潮

頭不到艮山祠。溪北溪南一雨通。山村佳處便掀篷。老身不怕無安處。着

在漁翁保社中。稚子呼牛婦饁耕。早秧水足麥風清。老農喜極還垂涕。白

首安知再太平。本朝耆舊數君宗。老監軒昂洛社中。後五百年人定說。過

江復有戴花翁。

三月二十五日飲方校書園十絕

纔入中年會面難。安知白首此團圓。不妨時駕柴車出。只

作初騎竹馬看。伯兄迺漢司徒掾。季子亦唐行秘書。只願荆花常爛熳。莫

令瓜蔓稍稀疏。自古根深枝葉蕃。百年喬木到今存。只留諫草傳家世。莫

着輶車辱戶門。積彥回以輶車給從弟照。照大怒曰。着此辱門戶。西舍鳴笳索賦詩。東家搜石請書碑。眼中除却壺山外。多

是新知少舊知。呼來不許望清光。麾去奚堪作省郎。莫是後身劉快活。挿



石室千年不復開。庭花無語委蒼苔。席間舊客惟枚叟。白髮重將屐齒來。空留薜石仆斜陽。不見奇章與贊皇。何必雍門彈一曲。蟬聲極意說淒涼。百年如電復如風。昨日孩提今日翁。乍可生前稱醉漢。也勝死後謚愚公。早退分明勝一籌。年行六十復何求。東門瓜與南山豆。誰道君恩薄故侯。後有良工識苦心。今無善聽孰知音。老來字字趨平易。免被兒童議刻深。

送王實之倅廬陵二首

芻言當日偶然同。白首家山各固窮。海內僅存一畏友。人間遂有兩愚公。似聞黃閣登迂叟。且向青原訪醉翁。此士未應無着處。棲棲十載六治中。君去江邊春色濃。郡花照席萬枝紅。守分風月元非贅。吏白文書但託聾。黃本何堪處秦觀。白麻近已拜申公。早歸了却蘭臺史。莫久吟詩快閣中。

挽湯仲能二首

拔起真三秀。分飛祗二難。怕趨丞相熱。寧忍後山寒。老徒書局。徂徠不諫官。如何令國喪。白首局傍觀。訃至聾三日。悲來贖百身。太丘州里化。伯起子孫貧。零落歐門士。消磨濮議人。殷勤齋掬淚。一灑素車塵。

題方友民詩卷

刪定實惟曾大父。文忠况是老先生。力行所學斯無媿。偶



發于詩亦有聲。合止笙鏞成雅奏。挾挑草木示微情。嗟予公事君歸興。不得相從細講明。

題餘干姚三錫書鈔

頃傳湯序心。傾挹茲得姚鈔手。闔開朱子所疑。非孔傳漢儒之罪甚。秦灰時清。縱未經筵召。歲晚寧無掌故來。攬轡遠臣慙力薄。不能爲國論遺才。

追和南塘韻呈湯伯紀尹子潛

誅南浦了誅餘杭。各掩新丘若釜堂。不見天球在東序。競吹宮篴奏西涼。後生誰附青雲傳。故吏惟餘白首郎。浩歎縹縹雙鳳遠。老身如雁漫隨陽。

題蔡炷主簿詩卷

舊止四人爲律體。今通天下話頭行。誰編宗派應添譜。要續傳燈不記名。放子一頭嗟我老。避君三舍與之平。由來作者皆攻苦。莫信人言七步成。

九日登辟支巖過丁元暉給事墓及仲弟新阡二首

絕巔萬籟盡沉沉。重倚欄干感慨深。古佛龕中苔上面。故交冢上樹成陰。山無白額妨幽討。野有黃花且滿斟。莫怪裴徊侵暮色。老人能得幾登臨。

歷歷向時遊覽處。重來年已迫桑榆。大衾尚欲同林下。華表安知忽路隅。自古曾悲摘瓜蔓。卽今不共插茱萸。人生患不高年爾。到得年高萬感俱。

答循倅潛起

別後書稀夢亦稀。忽傳尺素到柴扉。不知天驥方徐步。將謂雲鵬久怒飛。句律斬新過似舊。姓名略是復疑非。長官



僊去賓朋散存者依稀有杜微

亡友鄭君瑞為閩清宰君為主簿余始識君于縣齋

盧溪集鈔

七六

王庭珪字民瞻廬陵人登政和八年第調衡州茶陵丞拂衣去盧溪築草堂因號焉時胡銓論忤秦檜謫嶺南獨庭珪送以詩語且觸檜坐流夜郎檜死得還數召對優禮除國子監主簿主管台州崇道院九十三卒學邃于易著易解見者歎為必傳會詩獄捕至攜書編篋中為卒所攫去歎曰天厄吾書門人楊廷秀序其詩謂得傳於曹子方出自少陵而主於雄剛渾大此第言其崖岸爾若遣息屬辭未離築坎使真氣蒙翳於篇句間亦未免於詩家疵癘也

題宣和柳畫

玉鎖宮扉三十六誰識連昌滿宮竹內苑寒梅欲放春龍



池水暖鴛鴦浴。宣和殿後新雨晴。兩鵲飛來向東鳴。當時  
妙手貌不成。君王筆下春風生。長安老人眼曾見。萬歲山  
頭翠華轉。恨臣不及宣政初。痛哭天涯觀畫圖。

舟次白沙

朝發螺浦湄。暮宿白沙口。初爲夜行計。有物應掣肘。山雲  
四面起。風濤半江吼。落帆危石磯。就枕不敢久。林深鳴鶴  
鵲。村遠聞雞狗。夢覺如月明。破篷見牛斗。起視天色清。解  
纜欲放溜。浪頭聒天響。掀簸入我牖。蒲帆未及張。篙師復  
回首。渡頭有古祠。壁畫雜怪醜。舟人相與言。勸我酬神酒。  
出處本細事。陰晴亦常有。我固不問天。豈問土木偶。

張持操攜徐獻之侍郎書見訪兼出示著述中興論  
諸雜文爲賦詩一篇以文軸還之他日亦錄寄獻

之也

君不能徒步上書獻天子。又不能移書帝城結王公。欲將  
筆力扛九鼎。紙上有說能平戎。宣和治極久。忘戰。騎  
馬嘶淮甸。是時猶屯百萬師。無人北向放一箭。大臣搏手  
知何爲。草間公卿兒女啼。至今謀國無上策。讀君斷藁令  
人悲。君家人物照青汗。曲江猶識。亂。他年論事要回  
天。應向荊州尋好漢。

贈別黃超然

我生不識黃太史。猶及諸老談遺事。藍田生玉海生珠。謂  
君眉目無乃似。誰作江西宗派詩。如今傳法不傳衣。句中  
有眼出月窟。密付嫡孫人未知。宗風後必喧人口。雲夢更  
須吞八九。他年拈此一瓣香。獅子窟中獅子吼。



送吳叔舉主簿往清江受納秋苗

田頭作穀催入塲。一半白著輸官倉。廬江主簿喜懷穰。放  
船椎鼓開帆檣。蕭灘老農公事畢。夾道歡呼羅酒漿。笑言  
歸去喚妻子。今年租米兩平量。

劉晞陽貧甚。爨烟不屬。書讀而不輟。作詩遺之。以激  
其志。因叙其貧之所以然。冀當塗有聞之者。

荷鋤初讀書。中原已鼎沸。輟耕仰太息。衣食尚卒歲。喧呼  
傳點下。田廬忽湮替。產盡猶索租。從何出租稅。迺知天寶  
後。信如石壕吏。君門九重深。旗戟森兵衛。朱轡背相望。莫  
官察凋弊。賴子天資高。追琢自成器。時能從諸生。扣門來  
問字。長篇爛溢目。春葩吐奇麗。飢雖不堪煮。要自飽風味。  
迺翁昔好事。賓客常滿位。小兒聽客語。炊甑忘箸筴。豈慮  
飯成糜。爾來糜亦廢。誰能饋升斗。與子黔突喙。

寅陂行

安成西有寅陂。溉田萬二千畝。廢久官失其籍。大姓專  
之。陂傍之田。歲比不登。邑丞趙君搜訪耆耄。盡得古跡。  
浚溪港起堤閘。躬視阡陌。灌注先後。各有繩約。不可亂。  
是歲紹興十三年。適大旱。而寅陂溉萬二千畝。苗獨不  
稿。民頌歌之。國家方下勸農之詔。法有農田水利。實丞  
職也。然緣是而偽自增飾。以蒙褒顯者。世不爲怪。由是  
水利爲虛名。今寅陂功績崇崛。丞不肖自言。部使者終  
不及省察。某出城別君東門外。逢寅陂之民。塞路涕泣。  
言此爲叙其事。作寅陂行。不復緣飾。皆老農語也。冀有  
採之者。紹興癸亥十月望日書。



安成城頭烏夜宿。啼鳥未起雞登木。傾村入城來送君。馬首摩肩袂相屬。但有龐首不識名。何物老翁出山谷。老翁持酒前致詞。家住西村大江曲。大江兩岸皆腴田。古有賓陂置官屬。自從陂廢田亦荒。官中無人開舊瀆。公故道堰橫流。陂傍秔稻年年熟。今年雖旱翁不憂。田頭已打新春穀。誰云此陂會當復。老父曾聞兩黃鵠。嗟哉如君不負丞。躬行阡陌勸農耕。監司項背只相望。風謠滿路胡不聽。胡不聽寅陂行。為扣天閣叫一聲。

送宣向卿往衡山兼寄

故文招隱公有雪

康侯侍講所居公是行緣

海內甲馬未盡休。豪英為時出謀。天生奇才必有用。何乃相率居岩幽。胡公人品全一汗漫久作朱陵遊朱陵

窟宅倚蒼翠。此公招隱安可。曲九廟今誰起。頽歷四方正爾煩。誅求我聞昔時元刺史。春陵地分天子憂。少陵作詩頌其事。至今人傳元道州。公為道州績尤偉。誰為再作春陵謳。孤城疲卒捍狂賊。高論力詆庸兒羞。安得如公數十輩。叅錯天下為邦侯。京洛腥羶不難掃。潢池寇孽不難收。願公早請尚方劍。先斬佞臣張禹頭。

贈齊軒仲素老并序

齊軒仲素老自安成京師遊螺川凡十餘。偶過其居。齊軒面東山一峰。曰秀嶺。烟雲草木翠色依然。真逸道人作詩招之。以代東山移文云。

秀嶺明東城。飛翠橫空斷。煙霞互滅沒。爽氣浮清旦。旁連仙人。居樓殿出天半。金龍蟠繡柱。銀榜開琳館。齊軒面青



葱下瞰綠篠岸。我嘗醉其上。謳吟雜悲歎。一時賢士夫。車馬共遊歎。當年二學士。伍醇父劉偉明落筆瀉銀漢。曾賦齊軒詩。字字星斗爛。事逐雲雨空。鬼錄尚可按。重來兵火餘。觸目自悽惋。惟有軒前山。秀色還舊觀。曉猿驚未已。歸袂何必挽。胡爲走塵埃。廢此奇一段。山靈亦可畏。移文定嘲玩。

送陸景莊提幹

驅車越荆吳。轍跡走欲半。是時親戚多。短赫踐華貫。中有衣繡人。持斧下霄漢。利權多可熱。冷語未未泮。徒乘朱班輪。呵殿嚇開閉。如儼帶面具。應遭鬼笑玩。而况新失職。誰肯聽呼喚。坐令公困窮。旅突幾不爨。蔚然鸞鳳姿。胡爲雜鵝鸛。我實憐此曹。期君遊汗漫。

次韻曾育才翠樾堂雪詩

哦君翠樾堂中雪。詞如劍戟相磨切。又如牛鐸應黃鐘。水中躍出鞋。負鐵因誦東坡憶雪詩。城郭山川兩奇絕。翠樾堂中雪。迥然敢擬片詞增。竄竊長安道上醉騎驢。忍凍不知蹄屢蹶。手似淮西破賊時。蔡州城外沙如月。將軍一箭射槐槍。夜落城頭曉方滅。捷書飛奏不動塵。露布馳來迷玉闕。醉翁句律號令嚴。凍口何由更開說。銀杯任逐馬蹄翻。斷藁殘編且扁鐻。

同陳思忠訪洪覺範

尋春反向僧房卧。無乃行藏與時左。起來刮目覽新詩。花壓欄干夢初破。黃葉丹楓屬興深。吁然莫測疑楚此。惠休鳥可沒已久。二百年來無此作。世間何處著斯人。秀句天教出寒餓。我氣未衰詞頗弱。欲借鼓旗聊一佐。終朝巖下



不逢人。苔色應噴馬蹄泥。

酬聶逢夫惠所業

聶郎贈我長短句。大盤小盤推玉筋。當年持此驚市人。破帽蹇驢誰借譽。厭聞百鳥呼春風。自作絲鳳鳴孤桐。俗間惡語敗人意。胡不請帝明光宮。

次韻張子春賦瑤林春色

余瑤林洞中以醱醲作題因為酒名

花間酌酒透明月。月照金樽佳興發。鯨吞霧捲百川空。醉挽醱醲落香雪。便將壘麴築糟丘。醱醲壓膏麥為蘖。釀成忽見張公子。公子家居近丹闕。為予乘興誇洛陽。笑指沙頭卧雙榼。洛陽視此真草野。敢欲新詩借牙頰。瑤林名字出風塵。未遇知音那敢說。况能大讀離騷句。痛飲雖多不為餐。未識王家碧玉香。髮鬢東坡真一訣。誅茅本結方外人。豈用禮法相分別。預拂瑤林一片石。與君醉過清明節。窮亦不足悲。達亦不足說。酒闌挿劍怒肝膽。正恐不免論功業。

和陳柄臣見贈

北人愁聽江南曲。細草新蒲幾回綠。當年避官蒼黃飯不足。中原亂後又逢春。邊頭只道無烟塵。邇來公卿不生事。此事必屬非常人。我曹生長江南樂。豈料翻成風土惡。湖海元龍氣尚豪。贈我新詩何瓊錯。拾遺後出最能文。脩椽大屋今荒墳。遠孫高材淹管庫。猶能落筆生烟雲。山城相遇初相喜。共論大梁人物美。莫學夷門抱關吏。謀竊兵符椎晉鄙。

李仲孫佩軒



我友李仲孫。飭身一何介。被服古衣冠。昂然偉而怪。開軒蓬戶中。紉蘭以爲佩。布袍挹公卿。脫幘卧江海。方其得意時。天地不能碍。荷鋤入深林。剪薙發幽薈。清芬動窗壁。蕙若連光彩。君看紫綬翁。腰垂黃金帶。璜珩錯珊瑚。印章如斗大。步趨踏龍尾。矚然中音會。豈如此香草。擢秀繁霜外。秋風落萬木。臭味久逾在。我思軒中人。免食三斗艾。夢寐欲見之。一往清鼻界。

送駱何武

淵明不喜折腰趨。寧作拄笏何易于。勸農使者鄙丈夫。少年新進安。渠下馬怒頰虬。奮鬚指揮星火飛。文符詈辭愧語靡。不無諸公正。欲求薦書。椎斲肌骨尋膏腴。公爲一笑。憐其愚。熙朝成法字已孚。堅如金石莫可無。鞭且勿施。

安用蒲三年。竟亦無逃遁。吏民遮道相歡呼。生立叢祠。佛區想當逸氣吞。江湖與人恢。屹無怨吁。臨邛小子傲鄉間。方乘朱輪呵道衢。公歸西山結茅廬。丹崖絕壁巉空虛。誰能負弩當道隅。終日與爾爲前驅。

觀徐明叔畫湘西磨崖圖

圖在湘西白鶴峰紀官軍

衡山高出北斗邊。九疑蒼梧相屬聯。羣峰環走如却立。山脚插入瀟湘川。朱陵渺邈迷處所。白鶴噴薄飛流泉。坐看徐郎拂絹素。盡驅山岳置眼前。徐郎豈是真畫手。酒酣遊戲乃其天。巴陵洞庭連浦淑。鯨鯢蟠穴爲賊淵。詔謂將軍出旗鼓。樓船蹴踏驚浪喧。櫓檣夜落照湖水。雕弓十萬猶控弦。湘西古寺最奇絕。丹崖翠壁開何年。况公文章善叙事。大字怪偉宜鑱鐫。中書異時觀落筆。因煩吮墨圖凌煙。



孟公韓公毛髮動。腰鞞大羽冠。進賢他年中。典事可考。公名亦與茲山傳。

題惠崇畫秋江鳧雁

老崇學畫如學禪。中年悟入理或然。長江未落鳧雁下。舒卷忽若無丹鉛。定自維摩三昧裏。半幅生絹開萬里。不用并州快剪刀。斷取鐵圍山下水。往年見趙德之說惠崇嘗處豈非慧力中所得圓熟故耶今觀此短軸定非少年時筆也故詩中云爾

雅歌樓詩送永豐宰鄧晉卿

潢池赤子弄庫兵。犬牙蟠接虔漳汀。十年烽火照縣郭。白晝不敢問衙庭。忽見青樓臨大路。樓上高歌揮白羽。樓前解角看投壺。終歲不聞槌戰鼓。主人坐笑已風流。小婦鳴箏樓上頭。曲罷仍能雅歌舞。送君此舞傳中州。

贈寫真徐濤并引

世言畫工喜作鬼魅。謂荒誕易圖也。故傳神寫照為難。聞徐濤畫盧溪老子。作幅甚似。作詩求之。亡鞋蕭散之狀。見者以為

徐生畫人不畫鬼。點目加毛必佳士。邇來下筆更逼真。勿論山僧及童子。會貌詩人孟浩然。便覺灞橋風雪起。如今儻欲畫盧溪。一菴宜著嵒巖裏。

戴國和得潘衡墨法於言意之外。今攜之湖湘。必有識之者。作詩以送之。

老潘膠法秘不傳。君獨得之乃其天。此法髣髴如叅禪。忽然有省夜不眠。又如神仙換骨法。應手不自知其然。湖東大帥天下賢。詞源如海筆如椽。本是玉堂揮翰手。正要此



物供磨研醉題李白三百首掃盡將軍九萬牋老潘歿來  
知幾年聲名始落瀟湘川君不見呂洞賓竹絲籃子烏紗  
巾長安市上無人識喚作湖西賣墨人

和酬黃子默

牛渚西江夜新聲月下聞定知終夕詠不覺曉光分儻有  
樽中酒重論日暮雲山林正憔悴抵掌忽逢君

辰州上元

雷澤遠湘浦飄如雲水僧來爲萬里客又看一年燈翠憶  
褰珠箔高樓俯玉繩鰲山今夜月應上最高層

入辰州界道中用頌子韻

路入荒溪惡波穿亂石跳騎驢行木杪避水轉山腰倒挂  
猿當道橫過竹渡橋吾生本如寄歲晚尚飄飄

憶馨鴻二孫

余竄夜郎日二孫纔三四歲阿馨已誦得數部書兼寄  
書紙來阿鴻尚幼余甚念之作憶馨鴻詩寄令誦之  
憶汝何時見愁眉此日舒別來三換歲誦得幾多書字稍  
堪拈出翁今喜有餘阿鴻纔弄筆相對想軒渠

江上

倚杖江風起呼船水面開人從州背渡帆破浪頭來月色  
共千里天恩徧九垓當年送客處待看客車回

謫辰州

得失真何事文章妙入場隱身三十載汗簡幾千張名落  
江湖外氣干牛斗傍吾衰任飄泊朝夕渡沅湘

春日山行



緩鞚青絲馬不嘶。春山草長靜柴扉。迸林新笋斑斑出。隔水幽禽款款飛。雨過泉聲鳴嶺背。日長花氣撲人衣。雲藏遠岫茶烟起。知有僧居在翠薇。

避亂淡山蒙兄寶君寄牡丹數枝鮮妍不減平日始

覺茅簷頓有春色感歎之餘因成拙句

鄉井彫殘屋瓦頽。東風依舊上池臺。別來縱值時方亂。春到何曾花不開。驟覺茅簷堆錦繡。未消翠轂走塵埃。勿云去草草無惡。今日遮藏要草萊。

再過東岡

物色江寒楓葉凋。江邊微雨暮蕭蕭。白沙翠竹舊行路。碧水朱欄新渡橋。盡室當時避征戰。十年閒事付漁樵。如今傑屋明人眼。一笑端能覆酒瓢。

和胡觀光登酒樓

李白夜登孫楚樓。樓中玩月苦淹留。定知公等非比客。要是人間第一流。玉勒穿花回曲徑。銀槽瀉酒注深甌。遙觀翠幕張燈處。少婦鳴箏坐上頭。

和居東村作

山中有西泉寺故基

避地東村深幾許。青山窟裏起炊烟。敢嫌茅屋絕低小。淨掃土牀堪醉眠。鳥不住啼天更靜。花多晚發地應偏。遙看翠竹娟娟好。猶隔西泉數暖田。

題郭秀才釣亭

野濶江寒一雁飛。碧蘆花老鰕魚肥。遶欄綠水秋初淨。滿棹白蘋人未歸。醉任狂風揭茅屋。卧聽殘雪打蓑衣。他年欲訪沙頭路。會自攜竿扣竹扉。



送胡邦衡之新州貶所二首

囊封初上九重關。是日清都虎豹閑。百辟動容觀奏牘。幾人回首愧朝班。名高北斗星辰上。身墮南州瘴海間。不待他年公議出。漢廷行召賈生還。

大厦元非一木支。欲將獨力柱傾危。癡兒不了公家事。男子要為天下奇。當日姦諛皆膽落。平生忠義只心知。端能飽喫新州飯。在處江山足護持。

次韻周公子秋日書懷

酒酣下筆不能休。寫盡江南萬斛愁。長史果為何物漢中軍。不是置書郵。又聞戰馬將休息。且任浮陽自去留。觸目西風易增感。山川信美莫登樓。

向文剛讀書齋試雙井茶有懷黃超然雙井老人嘗以青紗蠟紙

裹細茶寄人不過二兩今復見之

黃蠟青沙未被封。已知雙井社前烘。一丘風味極不淺。萬頃煙波興不窮。東晉書齋頽壓後。西湖山色有無中。危欄傑閣明人眼。獨覺登臨欠此公。

從叔君冕見訪山間。自云平生躬耕釣。無求於人中。

有至樂。令某作詩寫其蕭散之狀。為賦此篇。

青鞋布襪綠蓑衣。滿日秋江白鳥飛。小楫扁舟乘興出。斜風細雨釣魚歸。有聞茅屋臨蒼巘。尋箇樵夫上翠微。閒趁牧童吹短笛。倒騎牛背入柴扉。

次韻劉升卿惠焦坑寺茶用東坡韻焦坑因東坡始見重於時

日出城門啼早鷄。杖藜投足野僧家。非關西寺鐘前飯。要看南枝雪裏花。玉局偶然留妙語。焦坑從此貴新茶。劉郎



寄我兼長句落筆更如錐畫沙

送歐陽廣明遊仰山兼簡慈書記

閣中有小釋迦金襴袈裟

士窮不作儒生酸歲晚聊為物外觀行脚僧從幽徑出集雲峰倚半天寒且攜幾緡登山屐勝走高門坐馬鞍君見堂西舊書記試求開閣看金欄

送任子嚴江西運幹

正坐慙羹吹冷齏送君那復有新詩明朝便恐隔千里抱病何由把一卮西蜀文章自家法江南烟雨上樓時東湖滕閣多佳典落筆端能寄所思

次韻郭偉節段延直見寄

辰溪古夜郎郡大白嘗謫焉

山霧未忍勒銘移空有寒鴉噪竹枝二妙相逢春霧裏老夫將窺夜郎時傳看尺素雙魚尾突過黃初數子詩不上

沉江探奇絕平生誰肯一來茲

春晚同石子文遊歐陽參軍園問其主人已物故獨

一老婦開門亭檻幽雅醪醑方盛開因歎二年卜

居隣巷相去數十步而未嘗一到作詩記之

居鄰曲巷有朱扉未許墻東宋玉窺春草滿池驚畫夢醪醑萬朶壓繁枝相西江上叅軍宅黃四娘家子美詩他日沅陵尋故事為余收入楚人詞

閏十二月自城東泛舟遷居城西安福寺舟中微雪

朔風吹雪江上來急檠迎風蕩不開渡口雲藏伏波廟山腰霧失楚妃臺移居自作泛舟樂抱甕還如載酒回歲晚浮家寄何處兩溪春水綠如醅

劉時舉主簿相別三十年忽相遇於沅湘之間古夜



郎郡也。郡索窘，俸饋不繼，垂橐而歸。相聚月餘，賦詩爲別。

謫仙適窳夜郎道，主簿歸從飛鳥邊。但喜騎驢得佳句，忽忘揮麈是何年。且將肚束三條篋，敢望腰纏十萬錢。剩斬湘南幾竿竹，他時分我釣魚船。

送頓子還廬陵

頓子遠來夜郎省，余聞其婦方卧蓐。不欲久留而戀戀，不忍去，乃令上沅湘。至昔人窺九疑處，得下武陵溪。入荊州，由巴陵、武昌、洞庭、黃帝、張樂之野，觀開闢以來造化，擘出瓌雄怪譎之處，却由瀟湘以歸。弊廬作數語示之，明日乃行。

東歸未辦武陵舟，送汝翻成一段愁。雪點弊裘騎瘦馬，春寒幾日到荊州。湖山天開洞庭野，吳楚月明黃鶴樓。莫苦回瞻白雲嶺，是行聊學子長遊。

次韻李宜仲見懷朱崖夜郎二逐客

不因貴賤識交情，此段當令後輩傾。三友一龍吾作尾，同時四海孰爲兄。殊方少客通南北，厚祿無書訪死生。萬里歸期應可指，九衢先聽賣釵聲。

辰州僻遠乙亥十二月方聞秦太師病，忽蒙恩自便，始知其死，作詩悲之。

辰州更在武陵西，每望長安信息稀。二十年典縉紳禍，一朝終失相公威。外人初說哥奴病，遠道俄聞逐客歸。當日弄權誰敢指，如今憶得依稀。

次韻段季裕惠詩



身墮西南海角邊。是中樂事亦天全。漸聞長樂鐘聲近。正  
遇巫陽敎放年。客過茅蓬非率爾。詩如錦繡益飄然。一樽  
豈盡平生話。咫尺高樓起暮烟。

初至行在

望中樓閣入青冥。疑是長安舊帝城。千里荷花開世界。幾  
年羈旅望神京。老隨丹詔身猶健。夢入華胥眼尚生。行盡  
沙河塘上路。夜深燈火識昇平。

胡邦衡移衡州用坐客段廷直韻

朱崖萬里海為鄉。百鍊不剛為腸。復出光芒動聖斗。定  
隨雷雨起江湘。歸期正待春回鴈。賀客爭持酒滿觴。笑說  
開元丞相宅。凄凉偃月上標堂。

送頓子歸廬陵

西風吹我夢魂驚。送子東歸無限情。好往沅湘探奇絕。遠  
看衡嶽正崢嶸。黃昏渡口呼船急。後夜江頭望月明。能把  
愁心寄明月。雲開時到夜郎城。

次韻周穆卿教授兼簡黃元授司戶

嘗記楓宸賜異恩。同時人物亦訛訛。從前百事不掛眼。初  
得微官便退身。敎授才華欺蜀錦。參軍詩句似唐人。中興  
勳業歸公等。顧我徒為避世民。

次韻歐陽廣明以詩送鉢孟

有文盈前送八珍。山人不是此中人。試尋僧鉢齋厨近。更  
喜園官菜把新。秋滿城頭看落葉。風吹酒面已生鱗。何時  
共過溪邊寺。雪夜扁舟發興頻。

贈胡紹立

并引



紹立項年遍遊西南諸州聞余竄夜郎冒重險至沅陵  
由湘南以歸已卯秋預清江高薦復至安成訪別道舊  
賦詩因以送行

憶昔烏蠻絕塞亭巴娘歌罷月三更重尋湘水江邊路又  
見蕭灘榜上名此去飛騰對天陛不應顛顛困書生將軍  
三戰成功後未數焚舟老孟明

謝向提刑見訪

并引

某自貶所東歸伏辱提刑直閣千里命駕來訪死生感  
激高義輒成長句聊伸謝懇

夜郎逐客遇生還秘閣老翁來扣關坐聽犀輝妙言語慚  
非欄具偉衣冠高名業已照六合賤子窮當隱半山陸納  
家風元冷淡口將茶果薦杯盤

渡湘千里憶分攜因誦癡兒不了詩送我出門還作惡今

朝會面豈前期樂天獨往青山日裴相閑居綠野時從此

功名恐相逼伊山安得久棲遲

李訓王涯排陷樂天訓等死日樂天正游洛下青龍寺有詩云當君白首同歸日是我青山獨往時或謂白公樂禍東坡云樂天豈樂禍者持悲之耳余今亦然

和讀書臺入夜卽事

池底星光箇箇添半鈎斜月吐纖纖數聲寒笛西風下人  
在朱樓捲暮簾

兵火之後家藏墳籍蕩然寄居江村欲借書諸公先

寄此詩

卜築江村翠嶺坳喜君書室近衡茅牙籤插架幾千冊準  
擬從頭借一抄  
聞道藏書埒石渠仍能一讀五行俱不妨借我遮愁眼勝



著閒窓飽蠹魚

次韻盧元贊江亭即事絕句

江水磨銅鑑面寒。釣魚人在蓼花灣。雲開貪看新月上。不覺小舟流下灘。

次韻劉英臣早春見過絕句

春至盤蔬有蕨芽。紙窗竹屋自成家。客來清坐不飲酒。旋破龍團潑乳花。

雪中遇胡烈臣歸自郴陽戲成一絕

路傍有客騎牛過。乞與蓑衣作蓆眠。邂逅若能相顧問。和公畫上釣魚船。

和康晉侯見贈

儒生無力荷干戈。亂後篇章感慨多。但拏筆頭吟白雪。莫

挑馬箠渡黃河

次韻陳君授暮春感懷

雨餘山鳥百般啼。煙隔桃蹊一線微。南北東西春總好。杜鵑何苦勸人歸。

董仲儀來夜郎訪死生

雪覆鬼葬山頭路。霧失鬼門關外村。不謂故人千萬里。忽攜書冊夜敲門。

次韻酬國子生趙秀才

淵明五柳非無宅。子美西枝自有村。堪笑長安近時客。紛紛騎馬傍誰門。

竄居夜郎雪中杜門數日不出忽郡中送春來始知

今日立春



東風來從幾萬里。雪擁江梅未放花。忽見土牛驚換歲。始知春色到天涯。

郭仲質南窓

東風吹月下長汀。窓外雞號天粹明。時有諸生來問字。隔江猶聽講書聲。

夜坐聽沅江水聲

雨過風林生夜清。坐邀明月正關情。漁童酒醒莫吹笛。要聽一江秋浪聲。

寄子老

并引

子老自江西來赴沅州報恩。謂必取道辰陽。翹俟久之。忽得書乃趨徑路去。已開堂矣。奉寄絕句以當相見也。半程蹉過夜郎溪。不到昌溪問路岐。空使辰州亭下客。隔

江招手立多時。

贈別陳君授

并序

紹興十九年。余坐詩語竄夜郎。偶太學生陳君授前二年上書言事。忤秦太師意。亦貶居是州。二十五年冬。秦太師病死。還方未及聞。聖上慨然施曠蕩之恩。盡放流人。某與君授始獲生還。感恩出涕。作二絕句贈別。

十載投荒坐獻書。忽逢飛詔下荆巫。歸來好上昇平頌。已死姦諛不足誅。

雷雨沅湘振滯寃。皇恩普出九重天。乞兒猶戀權門火。應謂死灰能復然。

離辰州

逐客休嗟行路難。歸鴻心在杳冥間。初驚草尾千重浪。險



渡湖頭十八灘。行盡黃茅白草叢。舉頭忽見兩三峰。青青畫出湘天景。如覺身離蠻蜨中。

次韻任子嚴 并引

余竄夜郎日。惠門僧祖麟。徒步萬里訪生死。東歸過其寺。見壁間題詩。乃故人任子嚴見懷嘉麟之義而嗟拂之也。時士方以詩爲諱。而觀此作感激。次其韻。

解訪江南處士廬。行藏正自與時迂。題詩更及夜郎客。此段如今絕世無。君是石渠東觀人。小邦聊見宰官身。山僧似不孤題品。衆角叢中有一麟。

次韻周孟覺記皮老人事。皮老九十餘歲。能談熙豐以前事。但稍聾耳。

百年人物已無餘。况說銅人鼓鑄初。欲著承平舊時事。政須此老助潛夫。何物龐眉一老翁。能談慶曆至熙豐。只應坐厭聽鼙鼓。到處逢人說耳聾。人壽何曾有百年。再逢甲子換新元。眼明重見清平日。自可治聾聽好言。

贈日者張谷

余竄夜郎八年。東歸至長沙。遇日者張谷。考十年前所言皆不謬。余雖老。然壽則非君妙術所得。而推故末句云。

夜坐吟詩竄夜郎。君將何術考休祥。近來偷得西華法。不敢煩君算短長。



夜郎歸日答葛令惠詩  
七載投荒萬里餘。交遊半作曉星疎。門前梅柳換新葉。忽  
得故人相問書。

避亂鵠湖山贈寺僧

岩下逢人說亂離。十年眼底壓旌旗。塵復暗江南路。堪  
羨山僧總不知。

初寒方葺火閣。而會溪城周子康惠竹簾火爐。寄公  
端惠蒲團。便足了一歲無事矣。作二絕答之。

細柳將軍來護塞。夜郎遷客正窮居。火爐恰恰簾垂地。足  
了三冬讀我書。

戶外霜風入骨酸。誰褰紙閣問平安。正憂坐客寒無席。遺  
我新蒲入突爨。

漫塘詩鈔

七七

劉宰字平國。金壇人。紹熙元年進士。歷江寧尉。真州司  
法。秦興令。以浙東倉司幹官告歸。監南嶽廟。累召不起。  
隱居三十年。卒。謚文清。宰以吏事稱。而淡於榮利。一時  
朝廷所不能致者。宰與崔與之耳。詩亦常調。而五言古  
稍優。

次王兄韻

野徑梅初發。寒塘草又生。能來同社酒。莫笑瓦盆盛。

過尤溪

尤溪塘上征人路。記得停驂一解顏。十載重來兒女換。似  
曾相識有青山。

過剡溪



漫塘詩金  
一  
青山叠叠水潺潺。路轉峰回又一灣。想見雪天無限好，不妨獨棹酒船還。

題石門奉真觀

叠障爲屏石作門。陰雲漠漠雨昏昏。清游到晚不知去，要上峰頭望曉暎。

舟中

蓼岸著花紅半吐。稻畦過雨綠平鋪。炊煙起處三家市，却向江湖憶畫圖。

秋懷

一抹紅綃日脚霞。千林暮靄納歸鴉。西風捲盡梧桐葉，乞去與中庭散月華。

雲邊阻雨

薔薇籬落送春闌。筍甚園林早夏間。牛背牧兒酣午夢，不知風雨過前山。

謝趙使君豁租

長榜朱書又墨書。使君頒令豁逃租。一千里內歡聲滿，十數年來此事無。

得軒卽事

上印還家不計年。水光彌望木參天。綠雲洞裏嘗名漫塘上爲綠雲天。洞開書幌紅錦波心漾酒船。

送鄭節夫

盛年已去壯心闌。此別懸知後會難。願使乾坤同日月，不妨閩浙異江山。

發紹興



留滯青春晚。經行此日初。柔條桑着眼。短穗麥生鬚。竹外  
雲埋屋。花邊水遶渠。箇中容我老。有遺子公書。

馮公嶺

地隘山逾峻。人勤俗不奢。時培石上土。更種竹間茶。接畛  
田成篆。連筒水濺花。征塵如不到。老我卽東家。

長林海邊道上

海霧曉逾合。海風春更寒。衰顏欺薄酒。老膽傲驚湍。叢竹  
人家近。平沙客路寬。明朝應更好。山翠撲征鞍。

松江道中

久作松江夢。重來泛短篷。淡雲飛急雪。枯葉戰狂風。煙未  
三家市。波心一釣翁。鴟夷身計耳。吳越等成空。

寄同年朱景淵通判六首

念昔從子遊。金陵佳麗地。幕府盛賓僚。東南稱兩尉。子才  
清而通。我拙世無二。櫟社雖輪囷。靈根同晚歲。

當時最少年。雪林紫芝翁。詩名三十年。正復坐此窮。落日  
澹平湖。宿草鳴寒蛩。何時一樽酒。往酌與子同。謂趙紫芝汝序

四海游夫子。粹學洞古今。聞善亟推輓。常恐力不任。時危  
係長才。白日已西沉。拱木戰寒風。淒其千載心。謂游然齋九言

茂苑子周子。慷慨憂時危。斯文晁董流。炳炳日星垂。言深  
衆所驚。用淺才不施。穹窿山下笛。懷人究誰其。謂周正字南

滕子嗜古學。萬卷作生計。孤燈耿夜闌。盜畏不敢睨。至寶  
世不售。虛名竟何利。尚想古城隅。幽花開繞砌。謂滕質

細柳真將軍。勁氣可立悞。向來拯時危。功畧天下半。屢詔  
不肯起。出處懸自斷。十載山澤游。萬念春水換。何當求識



面介子同里開

謂周馬師虎

題王荆公半山圖

歸來心事平。蹇驢踏秋風。舉鞭問髯奴。何如浣花翁。道旁幾高松。風來自相語。桃李今何之。歲寒予與汝。

題茅山潑墨池慶雲庵

路轉幾山腰。地尋雙海眼。澗落呂公泉。橋橫蜀道棧。主人去不歸。山空春事晚。何時具蔬筍。開門延客飯。

北固山望揚州懷古

北固城高萬象秋。煙竿一縷認揚州。試乘綠漲三篙水。要見朱簾十里樓。淚濕宮衣朝霧重。愁薰寒草夕陽浮。隋堤舊事無人問。兩兩垂楊繫客舟。

懷林維國

予學宦金陵得三山林維國邵武任伯厚吳門朱景大發女葉潛仲為之友。相得歡甚。維國知我愛我。視他友為甚。惟恐予有過差。一夕四人相會於潛仲解舍。抵足達旦。始各自誦所短。而誦人所長。終也自言其長。而誦人之短。遞相規益。其友愛如許。維國去金陵未二年。終於永嘉。予亦離羣索居。無復朋友之益。辛酉十月初五日。夜忽夢與維國遇。如平生歡。覺而悽然成二詩。

四海論交二十年。知心一見似前緣。情親尚記通宵語。忠告難忘送別篇。夢入蓬壺重會面。座看書史尚堆前。應憐廢學從農圃。要使留心在簡編。

尚記升堂拜母時。滿前兒女競牽衣。鳳雛想見今成立。雁序遙聞已奮飛。維國弟成已身後聲名終不朽。家傳詩禮



足相輝。傷心白下金陵道。無復班荆話昨非。

寄潘子善上舍

時舉

陳少陽率太學生伏闕上書。六賊遂退。天下快之。少陽猶以後書論李邦彥白時中等言不用。拂衣去。近傳太學伏闕書是歟。非歟。非山間林下所得知。獨怪朝廷不用其言。諸君猶苟安於學。豈以靖康時事視今日。緩急異耶。為賦五十六字。質之同志者。

少陽一疏折羣姦。拂袖歸來日月閑。誤國小人書中語猶法從。叩闕諸子自賢關。是非頗亦通千古。義利那能立兩間。若向西湖浮畫舫。好傾卮酒酹孤山。

送邵監酒兼簡儀真趙法曹呈潘使君

儀真來往幾經秋。風物淮南第一州。山勢北來開壯觀。大

江東下峙危樓。沙頭縹緲千家郭。鱸尾連翩萬斛舟。去去煩君問耆老。幾人猶得守林丘。

和張寺丞謝惠河魴韻

先生盛德信光亨。微物將誠愧晚生。春岸正當餘雨過。寒江尚想小舟橫。一奩走送慙遲暮。兩舍相望欠割烹。未必甘芹解知味。王公當諒野人情。

送王去非入餉幕

春歸花藥尚紅酣。送子脂車馬在驂。幕畫向來多實用。事機今可付常談。學方用力須千百。事或當仁勿二三。別後欲知漁釣處。五湖天水共澄涵。

送衛汝積歸句曲

汝積歸路過獨樓岡。入亭子谷二處相去里許而下瞰



數百里丘陵川澤若錯綉然谷中縈紆峭險下有流泉  
疑有幽人勝士嘗建樓岡上以極臨眺着亭谷中以貯  
幽勝以其亭多而樓獨故曰獨樓柳子厚所謂游之道  
二曠如也奧如也此蓋兩得之歲久樓傾亭廢而名尚  
傳若鐵壚步然山居皆樵蘇之人無能解其義者遂意  
獨樓爲鬻體而以谷爲孔是又與小姑嫁彭郎同義呀  
可嘆也因汝積路出其間爲辨證以刷是岡之耻  
樓岡亭谷萬山西縹緲炊煙出翠微歸路正當清晝永離  
懷莫悵白雲飛學醫要使人無費問道須知昨已非好向  
庭闈商畧此短章中或有玄機

仲玉和前詩見贈因再用韻

官舍出粟徧東西多謝朱公念隱微但覺閭閻舊菜色不

知團圞已花飛當年國論無同異此日民言有是非天上  
鴛鴻方刷羽海邊鷗鷺已忘機

漫塘晚望

霽色催雲作晚霞小橋却立岸烏紗雨餘菱芡新抽葉秋  
早菰蒲未着花燈影微茫行客艇鐘聲縹緲梵王家沉吟  
索句輸公等我欲臨流理釣槎

寄陸大夫

寄語金函陸大夫歸田相府竟何如提兵劫取已非矣縱  
火燒殘豈義歟百口喪身端自爾千錢酬直殆欺余放翁  
舊隱佳山水賸好歸歟理故書

社日僧舍風雨

借蔬香積共晨炊客裏良辰總不知孺子從渠均肥肉南



翁無處聽巴詞。神鴉得志飽終日。巢燕有心來及時。風雨  
聒人聾轉甚。半鍾濁酒可能治。

寄題戴氏別墅

聞君築室水雲鄉。一榻翛然獨老龐。近挹荷香供几案。遠  
邀山翠入軒窗。自歌自笑遊魚樂。時去時來白鳥雙。何日  
過門成夜泊。一樽相與對銀缸。

趣劉聖與

用行寓玉甫桂墅

門外平湖百頃寬。庭前翠竹遠欄干。鳥啼花笑四時好。八  
淨窻明六月寒。賸可琴書供晝永。不妨絃管到更闌。留行  
莫爲歌楊柳。作計應須趁牡丹。

送戴子家歸永嘉

禁

君住博溪第幾山。我家北渚水雲間。二千里遠來非易。三  
五朝留勿作難。有子已知頭角貴。安心寧恤鬢毛斑。尺書  
頻寄問無恙。其樂生前日月閒。

癸未寄王甥

別時庭戶正秋清。劃見園林翠織成。吳下余息頻刮目。渭  
陽子豈遂忘情。堤間飛蓋分垂柳。水面浮舟約半萍。乘興  
時來共清話。相望能隔幾牛鳴。

開禧紀事二首

泥滑滑。僕姑姑。喚晴喚雨無時無。曉窻未曙聞啼呼。更勸  
沽酒提壺蘆。年來米貴無酒沽。  
婆餅焦。車載板。餅焦有味婆可食。有板盈車死不晚。君不  
見。比來翁姥盡飢死。狐狸嘍骨鳥啄眼。

謝烏鵲



朝來不成寢。啼鳥繞西東。似欲砭我愚。無虞終有凶。挽衣行太息。飛鳴鵲當空。似欲慰我心。正直神所容。舉手謝烏鵲。憂喜當何從。吉凶兩不到。我在阿堵中。

松風軒晚望

遠山亞歸雲。近山留夕照。澄江橫淨練。怒風收衆竅。東南佳山水。此地宅其要。連甍三萬家。金壁互輝耀。閑房列歌舞。傑觀富登眺。物理會有極。却慮成悲嘯。我家三荊峰。一室倚青峭。下有荆溪水。水深魚可釣。歸歟有成計。靜坐觀衆妙。功名付公等。連茹祇明詔。他年問無恙。知策寄嶺嶠。浩歌暢幽懷。任斐君勿誚。

和李果州道傳同遊茅山贈

我家荆溪東。矮屋八九間。石田人不耕。白占水一灣。十年

去城市。樂此清晝閑。飽聞西州英。奧學窺孔顏。見賢豈無時。水開水潺潺。榻來絮齊俟。一語開冥頑。錦機神所秘。啓視不吾慳。追隨妙高臺。勇往不作艱。蹇步駢弗前。逸駕杳難攀。惆悵默無言。詩卷慙空還。三茅在何許。天末聳髻鬟。勝處不可窮。老我常窺班。幽人去不歸。夜鶴守松關。夫君金玉姿。秀氣超人寰。興來得同遊。句就知難刪。應同太史筆。有副藏名山。

趣劉倅聖與建第

鷓鴣巢枝寬。大鵬溟海窄。不齊物之情。小大貴安宅。一區楊子雲。衡宇陶彭澤。何妨輪鞅稀。所憎塵市迫。吾宗攜家來。寒暑已屢革。寓舍得賈區。開門卽廣陌。四鄰共壁立。而無藩墻隔。晝通燔炙芬。夜悉笑語啞。麈尾僮賓朋。雨立槐



滅獲傳聞三徑地。經始得長策。良材蔽川下。賤售非難索。  
露廩發陳積。香飯留匙白。羣工闔戶外。拱手聽規畫。願速  
大厦成。却展搏風翮。

次聖與小兒啖虎脯篇

折臂最小兒。骨聳頰微廣。弗說螺螄小。可以吞大象。那敢  
謂其然。且幸日稍長。顧似陶家郎。智識殊不爽。強令侍師  
席。跳踉繞函丈。胡能辨滋味。舍魚取熊掌。但見蔬果列。攫  
取如技癢。嘉餽得虎鬻。新獵出林莽。對之懶下箸。殺氣猶  
可想。呼兒食之既。睥睨尚來往。饜饕我所羞。跌蕩或稱賞。  
服猛豈渠能。過獎謝吾黨。深慙如敝帚。有誤千金享。

走筆謝王去非遣餽江鱸

環坐正無棕。駢頭得嘉餽。鮮明訝銀尺。廉纖非竹筴。尾肩聳  
乍驚雷。腮紅新出水。毛以姜桂椒。未熟香浮鼻。河鮪愧有  
毒。江鱸慙寡味。更容座上客。送歸煩玉指。創餽雜青紅。百  
巧出刀匕。翩翩鶴來翔。粲粲花呈媚。頗疑壺中景。髣髴具  
盤底。又疑三神山。幻化出人世。更於屬饜餘。想像無窮意。  
知君束裝冗。不敢折簡致。厚賜何可忘。因筆聊舉似。

再韻為鱸鱠虎鬻解嘲

多病早休官。自是臺無餽。東門亭鷄鶻。寧若龜曳尾。有酒  
可斟酌。有力給薪水。朗詠淵明詩。如斲郢人鼻。所期免朝  
飢。敢幸嘗異味。大哉來鄰邑。細縷出纖指。一見喜折屐。三  
思食失匕。珍非我可常。竈非吾敢媚。胡可狗口腹。有若囊  
無底。諸君有用學。土苴足經世。龍肝與鳳髓。何求不適意。  
此豈費萬錢。正自不難致。貴賤理則殊。氣味固相似。



分韻送王去非之官山陰得再字

達官須親民。未竟法應再。昔君治姑孰。報政甫初載。桃李春正華。風木養不待。至今田里間。往往誦遺愛。薦章交公車。夷塗了無礙。自詭更治民。得邑仍勇退。坐看積薪上。笑謝及瓜代。赤縣官山陰。銅章喜重佩。平湖帶城郭。崇山鎮溟海道中。勤顧接何者。非勝繁。鵝池湛清漣。蘭亭霏翠靄。溪流西走剡。夜雪曾訪戴。此地君故家。舊遊詳往載。公餘信足樂。俗敝良可慨。盜賊人鬪狠。淫祀家禳禴。緩縱固不可激之。或生害。厥田惟中中。厥賦上上倍。豪家窘輸送。勺合無容貸。貧家慣逋負。符移費追逮。行之苟失中。上下交怨。憲臺府相鼎立。征求常意外。稽違速譴呵。抑絕虞冒昧。犴獄當盡心。夜寄或百輩。去來不敢詰。猶豫卽招悔。譁徒

陷平民更欲

鼻朝方得其情莫祈當路改過客紛如

繼刺口說行在。丐求小不愜。百計工組績。我知夫子心。此去專勞來。豈其懾聲勢。左盼而右睽。然須處心平。更須臨事耐。勿恃事理直。抗論多慷慨。勿謂氣類同。不虞趨鄉背。先入勿偏聽。未信勿忠誨。少違歲月間。足致治平最。庶策三載勳。亟應千齡會。

贈江西吳定夫

定夫江海士。瘦骨如矍仙。翩然及吾門。不假左右先。我方厭塵埃。一笑喜相延。肩懸兩破囊。旣見始解纒。我欲具杯酒。割鷄烹小鮮。自言乃長齋。不受世葷羶。少林入西山。幽尋徧崖巔。山空四無人。白眼問青天。洞口得老翁。守死易一編。高談慰寂寞。其然豈其然。去去不忍別。解衣示勤拳。



漫塘詩金  
及歸已彌旬。爲我少留連。道逢一病媪。背僂兩足癩。津頭見羈旅。數口依敗船。料理窮晨昏。奔走環市廛。足攣不良行。結廬依墻垣。船敗不可航。買舟捐萬錢。爲慮極靡密。要使終安全。詰旦擬東還。旣夕重周旋。嗟子塵外客。而結區中緣。吾衰不能爾。愧汗與涕漣。或疑破囊中。採用若流泉。子豈費長房。一壺挂簷前。或疑瞿曇老。濟世法無邊。勤君爲此來。頸警沉綿。君師魯東家。二說當捨旃。理一而分殊。先儒有遺言。君歸更商畧。書來慰殘年。

送魏華甫侍郎謫靖州

靖州風物最五溪。畬田歲入人不飢。淘沙得金邀以嬉。瘴煙不逐嶺雲西。六花瑞臘春臺熙。尤便逐客過往稀。理亂黜陟了不知。夫子豈欲居九夷。要尊主勢扶時危。有言不用時我違。番然不受好爵縻。向來鄉行誰可哂。平生易名慕者誰。蘇陳凜凜百世師。畏塗萬折甘如飴。求仁得仁固其宜。大明當天照隱微。直前一疏可忘之。江頭後會端有期。暗香微動寒梅枝。臨別不用長歎咨。

石翁媿

采石江頭風晝息。掀天雪浪平如席。汾涯小泊客心寬。攀蘿曾看望夫石。天涯望斷人不歸。露寒猶想淚霑衣。爭似石翁攜石媿。年年對峙夾岡道。入歸人去我何心。雨沐風餐人自老。比翼鳥連理枝。年多物化徒爾爲。長生殿裏知不知。

鴉去鵲來篇

昨日鴉鳴繞庭樹。道上行人色驚懼。試呼行者問如何。身



爲戶長催殘稅。殘稅自昔稱難理。三年尤非四年比。加之  
逐保有逃戶。每一申明官長怒。人逃信矣田不逃。其奈逃  
田不知處。厥初經界失區畫。比近立租相什伯。大家置產  
錢欲輕。小家鬻產價欲增。上田只割下田賦。賦存田盡因  
逃去。或因土瘠遂流移。歲久田侵人不知。更有鄉胥迫科  
抑多推少。割隨胥臆。民愚而神難盡欺。往往增入逃戶籍。  
以茲逃戶日增多。戶長蚩蚩奈若何。向來差役多輕重。戶  
長之中中產衆。比來里正多義役。各欲供須有全力。搜羅  
中產無了遺。戶長人人家四壁。官司禱雨徧明神。施行寬  
政蠲房緡。房緡僅可寬遊手。那得實惠霑農民。千錢代輸  
猶可出。今日方輸又明日。父兮母兮叫不聞。遺體鞭笞同  
木石。日自鴉鳴期會到。血洒公庭深不掃。遂令着處聽鴉

鳴。魂飛魄散心如擣。和氣致祥乖致異。已甘旱魃來爲祟。  
忽驚鴉散鵲交飛。高枝報喜仍低枝。萬口歡呼聲動地。府  
今盡放三年稅。曳鈴走卒天上來。立張大榜當衢市。黠胥  
駭愕頓兩足。戶長仰天攢十指。瘡痍未愈失呻吟。感激過  
深仍涕淚。又說新租亦寬限。四年舊欠寧不爾。亦知經賦  
難定責。少紓庶可容催索。使君從善真如流。仁人之言爲  
慮周。畫諾一時良易易。幾人共拜更生賜。人意會同天意  
感。急足未回時雨至。始知此術勝祈禳。開闔陰陽俄頃耳。  
何妨甘澤尚愆期。我作此詩禱告之。象龍可仆蜥蜴縱。蛟  
龍自起霹靂隨。謂予不信難強語。請驗吾邦今日雨。詩成  
欲謝更有祈。新租輸送此其時。分科本色歸上戶。細民勿  
使折納遲。四年逃閣尚充數。積弊那能倉卒去。且應除豁



見真的。孰恃強梁敢逋負。若然民病八九瘳。閒暇何妨版  
築修。推排得人敞可見。逃租十失五可收。更令義役廣前  
制。戶長里胥同一體。庶幾二役適均平。不使貧民偏受敝。  
豈惟澍雨快一朝。縱有凶年皆樂歲。報喜不惟乾鵲噪。丈  
人屋上烏亦好。

野犬行

嘉定己巳作

野有犬林有鳥。犬餓得食聲唧唧。鳥驅不去尾畢逋。田舍  
無煙人迹疎。我欲言之涕淚俱。村南村北衢路阻。妻喚不  
省哭者夫。父氣欲絕孤兒扶。夜半夫死兒亦死。屍橫路隅  
一縷無。烏啄眼犬啣鬚。身上那有全肌膚。叫呼五百煩里  
閭。淺土元不蓋頭顱。過者且勿嘆。聞者且莫吁。生必有數  
死莫踰。飢凍而死非幸歟。君不見荒祠之中荆棘裏。纒割

不知誰氏子。蒼天蒼天叫不聞。應羨道旁飢凍死。

猛虎行

市有虎毋妄言。當關虎士森戈鋌。市上一呼人駕肩。虎雖  
猛那得前。市有虎言非妄。君不見左馮諸邑天下壯。斧斤  
聲斷林壑空。猛虎通衢恣來往。食人肉飲人血。沈痛積冤  
何可說。凝香堂上紫煙浮。風流太守憂民憂。一朝下令開  
信賞。籍皮枕骨彌山丘。虎已滅人患絕。夜永猶聞泣幽咽。  
泰山之側如何居。子後夫前甘死別。

運河行

運河岸。丁夫荷鍤聲繚亂。紅蓮幕府誰獻言。運河泄水由  
函管。函管掘開須到底。運材歸府供薪爨。庶幾一壞不可  
復。民田雖槁河長滿。民田爲私河則公。獻言幕府寧非忠。



我聞此言爲民說。急趨上令毋中輒。小民再拜爲我言。函  
管由來幾百年。大者用錢且十萬。小者半此工非堅。厥初  
銖積費民力。厥後世世期相傳。豈但旱時須灌溉。亦憂久  
潦水傷田。向來久旱河流絕。放水練湖憂水洩。州家有令  
塞函管。函管雖存誰復決。小須雨澤又流通。函管猶存不  
費工。只今掘盡誰敢計。但恐民田從此廢。豐年餘水注江  
湖。涓滴不爲農畝利。有時驟雨浸民田。水不通流禾盡死。  
况今農務正紛紜。高田須灌草須耘。盡驅丁壯折函管。更  
運木石歸城闕。呂城一百二十里。不知被擾凡幾人。太守  
仁民古無比。凝香閣下寧聞此。願傳新令到民間。函管須  
塞不須毀。已填函管無尾閘。人船通行水有餘。函管不毀  
民歡娛。異時潏瀉無妨渠。憶昔採詩周太史。不問小夫井  
賤隸。試哀俚語扣黃堂。鉄鉞有誅寧敢避。

殺虎行謝宜興趙大夫惠虎皮虎腊虎睛

君不見陽羨周將軍。射殺南山白額虎。千古萬古聲流聞。  
又不見宜興趙大夫。南山三十有六虎。令行殺取無復餘。  
一虎昔何少。三十六虎今何多。虎多人不患。所患政之苛。  
苛政滅人門。猛虎戕人命。擇禍莫若輕。泰山之人論已定。  
大夫性高明。下令走風雨。所知在田里。了不見臺府。既令  
民免政之虎。又與民除虎之苦。四境之民歌且舞。或云殺  
虎太傷和。胡不令渠自渡河。我聞此言笑且呵。大夫憂民  
憂豈必限吾土。不然鄰國以爲窟。信也白圭愈於禹。古陽  
羨今宜興。大夫邑之主。將軍邑之賓。主賓多寡事不同。千  
古萬古同清芬。



用前五字韻趣劉聖與建第

君不見茅屋下四壁牀敷窄。又不見朱門中金碧鎖空宅。  
宅成更欲致良材。水浮陸走空山澤。茅屋區區誠已疎。  
朱門汲汲彼何迫。勸君勿學伏波老。自詭裹屍須馬革。  
又勿學金谷人。綺窻阿閣綿阡陌。但令庭宇潔。頗與塵囂隔。  
市聲不至亂琴書。厨煙可免衝咽啞。庶幾家人安。亦使我心  
獲。吾宗開敏姿。富有濟時策。棟宇著易象。義不假探索。

義豐集鈔

七八

王阮字南卿豫之九江人朱子講學白鹿洞阮從之遊  
慶元初孽臣竊柄附者如市阮未嘗一躡其門晚守臨  
川陛辭奏事柄臣密客誘致之迄弗往見奉祠而歸其  
詩得之張紫薇安國故不為徒作有義豐集

代胡倉進聖德惠民詩

平楚皆膏壤成湯忽早年人知聖慮切恩遣使臣宣乙卯  
饑荒後長沙富庶全紀年四十載斗米二三錢潭州自紹  
興五年一  
早後豐稔縣縣人煙密村村景物妍朱蹄驕柳陌金鐙麗  
二十八花鈿長沙自唐號小長安習此民成懶加之吏不虔力耕  
朱蹄金鐙杜甫所云終苟且勸課或遷延綠野田多曠潢池惡未俊曷嘗修稼  
政但見飾賓筵豐稔時難保盈虛理有還自應成赤地安



得咎蒼天義廩真良法平皇家以備先積倉何止萬存數  
僅餘千潭州每歲正苗三十八萬石每石收義倉一斗自乙卯至辛卯當有百萬石臣到任點檢僅存四萬  
石濫以疎庸迹來司斂散權一身初抵此四顧但茫然奏  
發常平弊財蒙內帑捐敢云呈敏手幸免奮空拳茂問秦  
輸閉專稽稷懋遷陸修流馬運水作汎舟連凡屬災傷事  
深將利害研兼并勤告諭商旅漸喧闐市直雖翔踴官收  
却痛蠲北來因鼎粟南至出渠船分路招糴廣稍收成未自靈渠出  
廩紛紛出著鞭起於衡嶽趾環厥洞庭舩湖北疆參錯江  
西境接聯里雖千萬遠身亦再三遍必務經行遍溪防賑  
給偏規模頒郡吏出納謹鄉賢敢避風兼兩周爰陌與阡  
有時沉水底鎮日上山巔不復通舟楫寧容坐馬羈辰多  
穿石天裳慣濕河壩江步時時到村虛日日穿楚岸為步村

市為救頭方甚急援手詎辭胼疔昔雖多病馳驅却自痊  
已成迷曉夜不復憚山川松徑行時蓋楊花坐處蘊光華  
雖備使蕭散類登仙林密花頻剪途窮木可緣石欹行恐  
壓溪漲涉疑漩昔出正初吉今經六下弦以正月出巡七月還司奔  
忙馳似箭來往轉如圓王事歌苞杞歸心却杜鵑力雖疲  
險阻志務報陶甄憶昨初行日蕭然亦可憐餓羸皆偃仆  
疾疫更牽纏詎止家徒壁多遺屋數椽葛根殫舊食竹米  
繼新膾去冬人食葛根今春又食竹米略救朝昏急終非肺腑便聲音中  
改變形質外羸孱氣茶胸排骨神昏眼露圈步欲仆  
頭褪髮俱卷婦餒心成疾兒啼口墜涎亂花生目睫炎火  
亢喉咽裊裊渾無力昏昏只欲眠盡攣持耒手頓削負薪  
肩狀貌已成鬼號呼幾亂蟬獸窮思曠野魚困想清泉山



僻無人到帷驚有使褰初聞爭欲走稍定使來前爾俗饑  
雖困吾君施體乾知民方疾苦遣吏撫迪遭置院收鰥寡  
分場賑市屢貸糧招復業散種使耕田臣嘗乞以米五萬石依條給貸四等  
以下戶又以穀三萬石分諸縣借給寒給衾裯暖給紙春頒藥劑煎凡今嚴  
吏責皆是恤民編稍見兒童集徐看父子牽其爭扶杖聽  
咸樂置郵傳茶獻迎門禮香浮夾道煙耳聞身鼓舞心切  
涕潺湲坐定徐言此從來未見焉一時愆潤澤萬里奏艱  
鮮灌溉非無枯精虔亦有牲畬乾終損粟池涸竟枯蓮詩  
駭周宣魃經書魯國蟪坐令民皞皞翻作泣漣漣平日安  
豐稔今朝乍疾顛老羸如病馬壯健若飛鸞忽見皇恩沐  
親馳使命專聽言初挾纊拜賜悉鳴絃新歲天心格經時  
雨勢綿東臬耕澤澤南畝溜濺濺坎豆皆勤作根涯悉勉

旂水耕榮嗒嗒陸種茂芊芊件件絲盈軸方方麥薦籩

以種物為坎豆勤苦為根涯以疋為件以三升為一方指知食欲動日望酒先捫舍

北行歌暢村南伐鼓淵魚占何必夢斗覆已明驪甲子晴

尤好嘉平雪記填自今知歲歲王道永平平撫已叨逢主

占星幸備員耳親聞擊壤手敢廢題牋農事修其職邦基

賴以堅但令倉廩實何患犬羊羶商克周饑止邢存衛雨

愆定知豐稼穡端在講戈鋌足食繫兵法行糧詠雅篇願

陳王朴論一稔遂平邊王朴邊策一稔之後可以平邊

上九江唐舍人文若一首五十韻

江左承南渡潯陽控上流平時稱用武今日更防秋六代  
規摹古三江險阨周高憑隆屏翰下瞰握襟喉呼吸聞吳  
楚封疆蠹斗牛循良渡虎跡神武射蛟遊勝事餘蓮社風



光足庾樓倚天開峻極倒影湛飛浮鼎敗香山往官輕靖  
 節休義門十世美將業二王優頃歲承平久斯民習俗修  
 究心依學校服力事田疇獄淨苔荒砌山溪麥掛丘共知  
 忠義篤官陷矯誣羞不料腥羶起能令日月幽雲屯滿赤  
 縣天意卒鴻溝郡邑生荆棘江湖識冕旒竟指形勢地聚  
 作虎狼取紹興初李成盜此昔計何勝辱羣生亦暫偷奇功思赫  
 赫內治頗悠悠法令中間弊流移不可留經界法行始有交居之弊產去  
 稅存德安一縣歲逃移千七百戶未經真撫恤還已困虔劉對壘緣淮甸  
 長蛇致逆亮入寇其臣有雷聲忽天狗旗尾又出尤獨官  
 隔岸幾航葦孤城亦綴旂兵戈閑未耜戰艦奪松楸之擾  
 民不得耕戰船天下雖同擾江西又不侔宿師惟此地西江  
 獨此也故倍他州曹翰洗江州獨諸將紛紛是攸司日日

培文符競旁午膏血罄誅求戰鬪連年永瘡痍幾日瘳孽  
 牙中作梗盜賊日甚氣習遂成媮情動穿墉鼠風行借父糶俗風  
舊淳帝為輟近侍人喜得賢侯父子文章偉君臣契分投王言  
 資潤色國是仗謀猷詩似丘傳鯉書如固續彪鳳毛宜鸞  
 鸞驥種自驕驕增重依蓮幕尤煩借箸籌折衝皆婉畫賜  
 履又分憂奕奕長江上源源數路頭若非煩柱石何以鎮  
 龜貅南土驚新事西清擁碧油春風迴野色江月靜簾鈞  
 地借長城望塵清奕世讐有生皆固結無士不冥搜公下  
始即問立國須才用聞公銳意收龍門如可上敢請與荀  
姓名

和陶詩六首 并序



義豐集金  
古詩不和唐始有之亦未有追和古人者雪堂先生始  
出新意盡賡淵明詩彼誠有感云爾隆興二年余浮家  
東吳僦居日糴大水入室無所容其軀妻孥嗷嗷至絕  
煙火羈旅憔悴之態如雪堂之在嶺外而淵明之棄彭  
澤也由是官情日薄而歸意日濃矣暇日淵明詩不能  
盡和也事類意感輒繼和焉懼觀者不我赦也故序其  
意云

和歸田園

皇天亦愛我生我匡廬山勉承父母志功名期少年既無  
取日手遠去窮處淵又無謀生才廣有負郭田富貴兩不  
諧胡爲乎世間眷言剪原居宛在瀑布前野曠易得月谷  
虛常帶煙行歌紫芝曲醉上香爐巖念此百年身有此足  
以閑若乃不決去使彼山悽然

和飲酒

竹門固無鎖俗客自不開而欲挾彼態使我變所懷鄉原  
善同俗於德則有乖乃知違世人所貴在幽栖客有愛我  
甚命駕來衝泥憐我與俗異欲我與世諧甚知客言是甚  
知余心迷淵明飲酒詩賡以遺客回

和乞食

淮陰漂母事不謂身見之長歌淵明詩益信非虛辭嗟余  
客長安十載無休期一飽不自足况敢謀酒卮曳裾富兒  
門丐食酬一詩達于公卿間喧喧謂余非雖知責我至終  
亦無所貽

和貧士



吾聞戴安道。不對王侯琴。當時豈不能。低眉求賞音。一曲朝得聞。千金夕得尋。捨之不肖顧。輕重得所斟。小人一時快。君子百世欽。貧士繫此辨。士乎當正心。

和雜詩

遑遑行路難。汲汲艱食迫。井田邈不再。兼并蔽阡陌。永懷先父祖。遺我以清白。出門無所容。疑此天地窄。秋風瘦遙山。涼意愜行客。江南記舊遊。不歷岐王宅。

又和

淵明棄彭澤。歸歟在柴桑。我里亦其側。俯視世批糠。顧瞻無所憂。所憂在絕糧。敢辭躬耕勞。耒耜山之陽。惜哉命之窮。仍歲螟螣傷。去爲游手民。足跡已四方。拂衣却歸去。焉用祖離觴。

同張安國遊萬杉寺一首

寺有昭陵御書

昭陵龍去奎文在。萬歲靈杉守百神。四十二年真雨露。山川草木至今春。

重九再到張已隔世書詩牌後一首

碧紗籠底墨纔乾。白玉樓中骨已寒。淚盡當年聯騎客。菊花時節獨來看。

昌國偶成

諸邑皆山可夜馳。海中昌國力難施。風潮阻渡連天地。期會申嚴限日時。願以老身從此免。忍將人命逼諸危。交門山下須臾死。肉食諸公知不知。

留別昌國五首

妄意絃歌學子游。迄無三異比中牟。丁寧今夜東風雨。添



起潮頭急去休。

全家雖脫海波危。舊治無人詠十奇。孤奉明恩顏似甲。却  
嗔兒女笑嘻嘻。

三山月淡白銀闕。九老春閑紫石宮。出十洲記此去能爭幾多  
地。恨無仙骨到其中。

當時底事乞身歸。萬物何曾與我違。最是臨行更腸斷。海  
鷗猶自掠船飛。

扶桑曾見日騰空。老去歸田不復東。一覺短簷他日夢。起  
來惆悵曉窗紅。

昌國秩滿次陳糾祖行韻

昔之督郵逐彭澤。今之督郵眷昌國。不令自賦歸去來。更  
以新詩祖行色。開緘墨濕雨濛濛。細讀字字含清風。塵埃

三載足昏塞。一聽妙語還醒髮。持歸柴桑有茅舍。揭之其  
間作佳話。非惟可託陶淵明。亦愧當年督郵者。

題四羊圖

三百維羣世不見。迺以四羊爲一圖。人言此圖出韋偃。不  
知韋偃有意無。巖巖參天一古木。下有輕莢滿郊綠。雪髯  
隱約黑暈中。沙肋微茫筆端足。昔聞韋侯畫馬工。杜陵長  
歌歌古松。孰知畫羊更如此。世間絕藝誰能窮。蘄春太守  
好事者。珍藏有此希世畫。嗟予得見雙眼明。此一轉語久  
難下。三羊遊戲芳草茵。一羊輒登枯樹根。安得添我作牧  
人。爲公鞭此一敗羣。

丙午寒食題淨土寺

方見繁紅綉小園。已隨流水過村人。於醞醪真無分。雨



共鞦韆似有冤。投老故應諸事懶。問春能得幾分存。不須更作匆匆散。更把松梅子細論。

再遊用前韻

十年不到此祇園。又爲支郎暫出村。犬認行蹤增踴躍。燕驚離恨苦埋冤。鬢邊但覺新絲長。壁上惟餘舊墨存。但問桑麻添幾許。世間萬事不須論。

上巳日鴈又阻風呈宋彥起

往來定是一年一。時節長逢三月三。天氣未佳宜且住。樹猶如此我何堪。花飛與客渾無與。酒好招人只自慙。安得惠風和暢景。與君方權看淮南。

長風沙次宋文韻

已將身世等河沙。又泛春江看浪花。錦纜牙檣君送酒。蓑衣弱笠我浮家。淹留日覺青春暮。飄泊風兼細雨斜。安得崑崙能探水。試教來奏小琵琶。

都下病起呈王樞密

不解彫蟲賦。逐貧又無饒舌論。錢神遭逢此鬼。今番瘧零落吾生有限身。舊學試溫渾易忘。新書欲謹自難真。時危壯士乃如此。爲報堂堂有位人。

瓜時有感

籬邊方對菊花黃。又報文移出草堂。三宿敢云桑下戀。四翁終願橘中藏。泉縈去路常低咽。酒向離亭不肖香。聖代多才焉用我。明年重上乞身章。

謝趙宰拜襄敏墓并留題二首 并序

惟先襄敏公受知烈聖神文之時。學古入官。獻太平時



制書名在第一裕陵伐叛受命西征闢國萬里全師獨  
克百年夢奠丘墓幽遠無有知者知縣趙公多識前言  
往行獨深知之奉詔出宰實部九原乃因勞農特枉三  
步盡尊賢之意存追古之心風示諸侯事關政教非特  
先烈感遇而已某不肖既獲躬執耒耜被撫田間又獲  
奉承薦酌感泣慕下敬賦二詩跪謝下執

班春故事亦年年公獨推誠遠布宣麗日借黃催麥壠惠  
風吹綠散秧田衆魚入夢蓑衣下異雉飛馴桑蔭前好詠  
十奇歸樂府聖朝方採下民篇

河湟人去鎖春蕪三步遙勤一束芻盛事撥揮千古烈英  
詞虛動百年枯故家零落今朝遇此段孤高近世無地下  
結成無限草待公肅甲破幽都

送沈侍郎

重入修門已有期趣裝聊此着征衣帝思宣室名儒對人  
喜元都舊客歸高節不難全晚歲亨途未必盡危機願公  
且爲蒼生起莫向茗溪戀翠微

題嚴陵釣臺

并序

題釣臺多矣大槩高之爾未有明其意者也光武既定  
天下深懲王氏之禍原於張禹孔光之流故昔之所謂  
坐論者一切吏之時或叱咤侯霸等俛首而已先生道  
高千古豈能堪此雖以禮聘不以禮答項枕卧語又從  
而躡踐之使知己之不足驕士卒不少留古語云使騏  
驎可係而羈兮豈云異夫犬羊此則先生之志也其首  
陽之流乎爲賦小詩以發千載一笑



西都庸庸生禍胎。東都切切繩公台。平生故人苦良辱。坐  
定白雲那肯來。沉幾濇略滿帝腹。且憩先生一雙足。使知  
天上麒麟兒。不似犬羊甘豢畜。涓濱老叟不自持。爲人人  
以鷹名之。豈識桐江一竿竹。依舊秋風魚正肥。古來賢者  
亦避世。往往適逢天地閉。得如建武亦不惡。又值首陽難  
降志。山木陰陰江面寒。此天別在壺中寬。幾曾流出桃花  
去。寶氣自駭人間。當時不願世知己。稱到于今却如此。  
塞馬得失天好還。千駟齊侯不窮理。

出郊訪沈洞主

抖擻塵埃暫出郊。一藤先訪羽人巢。東風翻翠浪催禾穗。秋  
放殷紅著樹梢。萬甲家山懷五老。千年活計却三茅。明朝  
便好乘風去。不學浮屠更打包。

瀑布二首

吟詠瀑水衆矣。大抵比况爾。未有得於所見。鑿空下語  
爲興詩者。大白獨曰。海風吹不斷。江月照還空。氣象雄  
傑。古今絕唱。而疑是銀河之句。亦或比焉。戲述二篇與  
比各一。

造物小兒不任事。一天元氣從淋漓。雲中雨降自應爾。山  
上水行誰激之。幽林洶洶虛籟作。赫日粲粲寒光垂。謫仙  
獨步得興體。此外篇篇俱此詩。  
萬仞青空不可攀。天將飛瀑掛其間。一雙玉塔倚絕壁。兩  
道白雲騰半山。覆器以欹嗟魯廟。設饒而建笑秦關。春風  
一卷出山去。萬里青秧抱甕閑。

題高遠亭



小攜樽酒作清遊。行到方壺最上頭。山在斷霞明處碧。水  
從白鳥去邊流。苦無妙句窺天巧。賴有名亭慰客愁。從此  
江南添勝景。未應獨數庾公樓。

泛舟

雪川荷葉浦。彭蠡石榴頭。此地皆奇絕。平生所爛遊。從來  
貪水國。老去只漁舟。更有乘桴便。何人從我游。

龜父國賓二周丈同遊谷簾二首

偶然得意挹珍流。二妙欣然共勝遊。怪得坐間無俗語。谷  
簾泉水建茶甌。

一飲清冷體便輕。絕知真液是長生。歸來世事都忘盡。惟  
記白雲堆裏行。

蓬屋

長簷十尺庇堂東。疎漏從來不盡蓬。日影碎如秋葉下。雨  
聲灑似夜船中。竹因蠹盡多垂地。箬到枯時半掩空。此處  
想非人所競。衆雄應是不來攻。

出豐城

搖搖旌旆出洪都。彌望田疇認廢墟。羸馬不前身突兀。耕  
夫相視笑軒渠。倚松茅屋斜開徑。近水人家半賣魚。蒲葉  
向冬猶未割。臨風遙憶路溫舒。

龍塘久別。乘月再到。奉呈同社。在姑蘇。

龍塘疇昔擅雲煙。破月重來位口爽。然浮玉北堂三萬頃。扁  
舟西子二千年。青山識面爭迎。權白鷺知心不避船。華髮  
偷偷更何往。一茅終在此橋邊。

再用前韻



已無功業上凌烟。且泛扁舟逐計然。自喜茲遊勝平日。不知今夕是何年。橫空螻蛄聊欲枕。滿袖蟬娟永共船。同社賢豪多載酒。坐添清興浩無邊。

姑蘇泛月

夜來誰共泛靈槎。飛上牽牛織女家。但覺滿身私雨露。絕無一點世塵沙。秋將寒玉清風陣。月借鎔銀潑浪花。投曉歸來互相告。等閑休向俗人誇。

都昌公檄黟歙遇春

忽忽年華換。悠悠客路長。春聲先水響。山氣欲花香。何補公家事。空隨吏役忙。白雲知此意。一片直都昌。

湖南道中二首

已分餘生老一丘。尚因微祿少。避留。夢魂不待。餐足先

入江南問釣舟

萬壑千崑我一家。別來空自鎖煙霞。閑雲不放行人望。故向東南角上遮。

題淡巖

浯溪已借元碑顯。愚谷還因柳序稱。獨有淡巖人未識。故煩山谷到零陵。

陳彌高惠詩次韻言謝

南來日日訪人才。始得清詩副所懷。我計已成梓入海。君行初似橘踰淮。十年旅夢思乘興。千里征塵忽及階。見說又爲勳業去。獨能無意狃洪崖。

勸農題吉祥寺

傍石尋幽徑。窮原得梵城。潮聲四面合。山色一團清。農合



巡門勸僧煩倒屣迎。明年吾更健。來伴此中耕。

劉致政家東岡池蓮甚盛。昔嘗飲焉。賦此叙別二首。

一枝曾吸碧觴杯。萬丈湖頭忽見催。斜倚闌干獨惆悵。明年應是不能來。

世路東西自此分。酒樽何日再論文。虎蹲山下一回首。望斷東岡是海雲。

向東南出上壘  
向東南出上壘  
向東南出上壘

向東南出上壘  
向東南出上壘  
向東南出上壘



